



增修詩話總龜卷之九

乙集

舒城阮一閱編

皇明宗室月窓道人刊

鄱陽程琬校

評論門五

東坡作蝸牛詩云中弱不勝觸外堅聊自郭升高不知疲
竟作黏壁枯後改云腥涎不滿殼聊足以自濡升高不
知迴竟作黏壁枯余亦以為改者勝直方詩話

山谷惠余詩兩篇一云多病廢詩仍止酒一云醉餘睡起
怯春寒觀者以為疵余曰說詩者不以文害辭豈非謂
此耶

東坡愛高蘇州詩云誰知風雨夜獨此對床眠向在鄭西
別子由云寒燈相對記疇昔夜雨何時聽蕭瑟又有初
秋寄子由云買田秋已議築室春當成雪堂風雨夜已
作對床聲又子由與坡相從彭城賦詩云逍遙堂後千
尋木長送中霄風雨聲恨喜對床尋舊約不知飄泊在
彭城子由使虜在神水館賦詩云夜雨從來相對眠茲
行萬里隔胡天此其兄弟所賦坡在御史獄有云他年
夜雨獨傷神在東府有云對床定悠悠夜雨今蕭瑟其
回轉對有云對床貪聽連宵雨又云對床欲作連夜雨
又云對床老兄弟夜雨鳴竹屋可謂無日忘之

詩云讀書頭欲白相對眼終青身更萬事已頭白相對百
年終眼青看鏡白頭知我老平生青眼為君明故人未
見尚青眼新貴即今多白頭江山萬里盡頭白骨肉十
年終眼青白頭逢國士青眼酒尊開此坡谷所為用青
眼對白頭者非一而工拙亦各有差老杜亦云別來頭
併白相見眼終青

山谷有詩云小立竹幽香農家能有幾韻聯與荆公詩頗
相同當是暗合

石時敏言荆公言鷗鳥不驚之類如何作語則好故山谷
有云一鷗同一波

謝眺嘗語沈約曰好詩圓美流轉如彈丸故東坡答三鞏
云新詩如彈丸及送歐陽文中有清員句銅丸飛石

彈蓋謂詩貴圓熟也余以謂圓熟多失之平易老硬多
失之乾枯不失於二者之間可與古之作者並驅
東坡為溫公作獨樂園詩只從頭四句便已都說盡云青
山在屋上流水在屋下中有五畝園花竹秀而野此便
一可以圖畫

東坡嘗謂余書荆公詩云徑暖草如積山晴花更繁縱橫
一川水高下數家村倦憩雞鳴午荒尋犬吠昏歸來向
一人說恐是武陵源坡云武陵源不甚好又云也是此韻
中別無韻也

山谷每與余言謝師厚七言絕類老杜但少人知之耳如
獨着衣裳迎戶外盡呼兒女拜燈前編入杜集無愧

趙德甫云東坡為程筠作歸真亭詩不會看千粟記木杪
見龜趺是碑坐不應見木杪

秦少章云世上事絕有契會不得者余前日見孫莘老大
笑東坡謝御賜書詩云有甚道理後面更直說至陝西

秦捷

東坡跋米元章所收書云畫地為餅未必必要令人知兒出
饒水又云錦囊裏玉軸米無趾山谷和之云百家傳本畧
相似如月行天見諸水又云拙者編鉤輒斬趾皆謂元
章是淨病為好奪取人話

東坡平生最慕樂天之為人故有詩云我甚似樂天但無
素與樂天云我以樂天君記取筆顏賞遍洛陽春又云

他時要指集賢人，知是香山老居士。又云：定似香山老居士，又云：淵明形神似我，樂天心相似我。東坡在杭，又與樂天所留歲月略相似。

東坡送李公擇云：有如長庚星到曉爛不收，贈道潛云：故人各在天一角，相望落落如晨星。任師中挽辭云：相看

坐作晨星沒，可憐太白與殘月。而黃門送退翁守懷安亦云：我懷同門友，勢如曉天星。友或學者尤多用此

見以道言：近見東坡說九人作文字，須是筆頭上挽得數萬斤，起可以言文字，已不謂歐公豈不云興來筆力千

鈞重

謝玄暉最以澄江淨如練得名，故李太白云：解道澄江淨如

練，令人却憶謝玄暉。山谷詩云：憑誰說與謝玄暉，莫道澄江淨如練，則其人之優劣於此亦可以見。

據言載白樂天在江東進士多奔往時，張祐負時名，既而

徐凝至，二子相矛盾，祐稱其佳句云：樹影中流見，鐘聲

兩岸聞。凝以為柰無野人千古長，如白練飛一條，界破

青山色，枯愕然不對。於是一座盡傾，其後東坡云：世傳

徐凝瀑布詩，至為塵陋，又偽作樂天詩稱美，此句有賽

不得之語。樂天雖涉淺易，豈至是哉！乃作絕云：帝遣銀

河一派垂，古來惟有謫仙詞。飛流濺沫知多少，不與徐

凝沈惡詩。余以為比之相去何啻九牛一毛也。

韓存中云：東坡嘗云：人言盧杞是姦邪，我見鄭公但嫵媚。

好作一對請諸人將去作一篇詩

崔中云山谷稱晏叔原舞低楊柳樓心月歌盡桃花扇底
風定非窮兒家語

韓存中云東坡作漁蓑句好真堪畫柳絮才高不道鹽只
不道鹽與真堪畫自合是一對

陳無已云山谷最愛舒王扶輿度陽羨窈窕一川花謂包
含數箇意

韓存中云家中有山谷寫詩一紙乃是公有胸中五色筆
平生補衮用功深此詩本用小杜詩中五色線而却書
云五色筆若却書云五色筆此真所謂筆悞

賀方回初作青玉案詞遂知名其間有云彩筆新題斷腸
句後山谷有詩云少游醉卧古藤下誰作詩歌送一杯
解道江南斷腸句只今惟有賀方回蓋載青玉案事

東坡作藏春塢有云年拋造化甄陶外春在先生杖履中
而秦少游作俞允哀詞乃云風生使者旌旄上春在將
軍俎豆中余以為依倣太甚

陶潛避俗翁未必能達道觀其著詩集頗亦根枯槁達生
豈是足默識蓋不早生子賢與愚何其繫懷抱山谷云
杜子美困窮於三蜀蓋謂不知者詎病以為拙於生事

又徃徃譏議宗文宗武失學故聊托之淵明以解嘲耳
其詩名曰遣興可解也俗人便為譏病淵明所謂痴人
前不得說夢也余以為安得山谷將工部詩篇篇如此

詩話續編卷之九
訓釋以成一集乎

日月老賓客送山谷詩也。日月馬上過文潛詩也。其工拙有能辯之者。老杜云。厨人語夜闌。東坡云。圖書跌宕悲。年老燈火青。熒語夜深。山谷云。兒女燈前語夜深。余爲當以先後分勝負。

山谷與余詩云。百葉湘樵苦惱人。又云。欲作短歌憑阿素。丁寧誇與落花風。其後改苦惱作觸撥。改歌作章。改丁寧作緩歌。余以爲詩不厭多改。

東坡作百步洪詩云。有如兔走鷹隼落。駿馬下注千丈坡。當在黃時有人云。千丈坡豈注馬處。及還朝其人云。惟善走馬方能注坡。聞者以爲注坡。

山谷有茶詩。押腸字韻。和者已數四。而山谷最後有曲几團蒲。聽煮湯煎成。車聲入羊腸之句。東坡云。黃九怎得不窮。故晁無咎復和云。車聲出鼎細。九盤如此佳句。誰能識。

文潛先與李公擇輩來余家。作長句。後再同東坡來坡。讀其詩。歎息云。此不是吃烟火食人道底言語。蓋其間有漱井消午醉。掃花坐晚涼。衆綠結夏帷。老紅駐春粧。山谷次韻云。張侯筆端勢三秀。麝麝房掃花坐晚。吹妙語亦難忘。

白樂天有詩云。醉貌如霜葉。雖紅不是春。東坡有詩云。兒童誤喜朱顏在。一笑那知是酒紅。鄭谷云。衰髮霜供白。

愁顏酒借紅老杜云髮少何勞白顏衰肯更紅無已出
此一聯大為諸公稱賞

宋景文云詩人必自成一家然後傳不朽若體規畫圓準
方作矩終為人之臣僕故山谷詩云文章最忌隨人後
又云自成一家始逼真誠不易之論

東坡送江公著云忽憶釣臺歸洗耳又云亦念人生行樂
耳註云二耳義不同故得重用

陳淳字子真南昌人也嘗以詩呈山谷云作詩須要開廣
如老杜日月籠中鳥乾坤水上萍之類子真云淳輩那
便到此山谷曰無亦只是初

洪龜父有詩云琅玕巖佛界薛荔上僧垣山谷改云琅璫
鳴佛屋以謂薛荔是一聲須要一聲對琅璫即一聲也
余以為然

龜父云朋見張文潛言魯直楚詞誠不可及晁無咎言魯
直楚詞固不可及而律詩補之終身不敢近也余嘗聞
龜父前後詩有一朝厭蝸角萬里騎鵬背一聯最為妙
絕龜父云山谷亦歎賞此句

山谷謂龜父云甥最愛老舅詩中何等篇龜父舉蟪穴或
夢封侯王蜂房各自開戶牖及黃塵不解泥明月碧樹
為我生涼秋以為絕類工部山谷云得之

古詩云公道世間惟白髮貴人頭上不曾饒而元祐初多
用老成故東坡有云此生自斷天休問白髮年來漸不

公陳無已答邢敦夫云今代貴人頭白髮掛冠高處不
可彊。其後秦少游謂李端叔復有白髮偏於我輩公之
句則是白髮有隨時之義

東坡云爲我周旋寧作我一句只是難對時王平甫在坐
應聲云只消道因即憔悴却羞郎

秦少游嘗和黃法曹憶梅花詩東坡稱之故次其韻有西
湖處士骨應槁只有此詩君壓倒之句此詩初無妙處
不知坡所愛者何語和者數四余獨愛坡兩句云江頭
千樹春欲暗竹外一枝斜更好後必有能辯之者

陳無已作小放歌行兩篇其一云春風永巷閉娉婷長使
青樓誤得名不惜捲簾憑通一顧怕君着眼未分明其二

云當年不嫁惜娉婷映白施朱作後生說與旁人須早
計隨宜梳洗莫傾城山谷云無已他日作語極高古至
於此篇則顧影徘徊銜耀太甚

荆公有詩云端能過我論奇字亦復令君見異書東坡亦
云未許郎中得異書且共楊雄說奇字陳無已又以奇
字對異方

東坡題李秀才醉眠亭詩云君且歸休我欲眠人言此語
出天然醉中對客眠何害須信陶潛未苦賢山谷題無
咎卧陶軒亦云欲眠不遣客佳處更難忘意極相類
秦少游嘗以真字題月團新碾瀹花甕飲罷呼兒課楚詞
風定小軒無落葉青虫相對吐秋絲於邢敦夫扇上山

谷見之乃於扇背復作小草題黃葉委庭觀九州小虫
催女獻公裘金錢滿地無人費百斛明珠惹秋皆所
自作也少游後見之云逼我太甚邢敦夫云掃地燒香
閉閣眠簟紋如水帳如烟客來夢覺知何處掛起西窓
浪接天東坡詩嘗題於余扇山谷初讀以爲是劉棻得
所作也

陳留市中有一刁鐻工隨所得爲一日費醉吟於市負其
子以行歌江端禮以爲違者爲作傳而要無已賦詩無
已詩有閉門十日雨凍作饑鳥聲大爲山谷所愛山谷
後亦擬作有云養性霜不在閱人清鏡空無以復加

潘邠老云陳三所謂學詩如學仙時至骨自換此語爲得
之然余見山谷有學詩如學道之句陳三所得豈苗裔
耶並同前

山谷謂余言吾少年時作漁父詞曰新婦磯頭眉黛愁小
姑堤畔眼波秋魚兒錯認月沉鉤青蒹笠前無限事綠
蓑衣底一時休斜風細雨轉船頭以示坡坡笑曰山谷
境界乃於青蒹笠前而已耶獨謝師直一讀知吾用意
謂人曰此即能於水容山光玉肌花貌無異見是真解
脫遊戲耳冷齋夜話

舒王詩曰紅梨無葉庇華身黃菊分香委路塵晚歲蒼官
才自保日高青女尚橫陳又云木落岡巒因自獻水歸
洲渚得橫陳山谷謂余曰自獻橫陳見相如賦荆用不

言言然會卷之九
應全耳余曰首楞經亦曰於橫陳時味如嚼蠟

山谷云詩意無窮人之才有限以有限之才追無窮之意
雖少陵淵明不得工也然不易其意而造其語謂之換
骨法規模其意而形容之謂之奪胎法如鄭谷十日菊
曰自緣今日人心別未必秋香一夜衰此意甚佳而病
在氣不長西漢文章雄深雅健其氣長故也曾子固曰
詩當使人一覽語盡而意有餘乃古人用心處所以舒
王菊詩曰千花百卉凋零後始見閑人把一枝坡則曰
萬事到頭都是夢休休明日黃花蝶也愁李翰林曰鳥
飛不盡暮天碧又曰青天盡處沒孤鴻其病如前所論
山谷登遠觀臺詩曰瘦藤拄到風烟上乞與遊人眼界

開不知眼界開多少白鳥去盡青天回允此之類皆換
骨法也顧況詩曰一別二十年人堪幾回別其詩簡緩
而立意精確舒王與古人詩曰一日君家把酒盃六年
波浪與塵埃不知烏石江邊路到老相尋得幾回樂天
曰臨風抄秋樹對酒長年身醉貌如霜葉雖紅不是春
東坡南中詩曰兒童恨喜朱顏在一笑那知是醉紅凡
此皆奪胎法唐詩曰長因送人處憶得別家時又曰舊
國別多日故人無少年舒王東坡用其意作古今不經
人道語王詩曰木末北山烟冉冉草根商澗水泠泠綠
成白雪桑重綠割盡黃雲稻正青坡曰桑疇雨過羅紈
膩麥隴風來餅餌香如華嚴經舉果知因譬如蓮花方

其吐花而果真蕊中造語之工至於舒王東坡山谷盡古今之變舒王曰江月轉空為白晝嶺雲分暝與黃昏一水護田將綠遠兩山排闥送青來坡海棠詩曰只恐夜深花睡去故燒高燭照紅妝又曰我携此石歸袖中有東海山谷曰此皆謂之句中眼李格非嘗曰老杜謂之詩史者其大過人在誠實耳如玉川子醉歸詩曰昨夜村飲歸健到三四五摩挲青莓苔莫嗔驚看汝舒王用其意作扇子詩曰玉斧修成寶月圓月邊仍有女乘鸞青真風露非人世鬢亂釵橫特地寒謝公有池塘生春艸園林變夏禽謂之神助古今文士多稱之季元膺曰此句未有過人處古人意所至則見於情詩句蓋

由也謝公喜惠連夢中當論情意不帶泥句五弟超狀

曰陳叔寶絕無肺腸詩語有驚絕者如午醉醒來晚無

人夢自驚如陽如有意長候小窓明王摩詰山中詩

曰荆溪白石出天寒紅葉稀山路原無雨空翠濕人衣

舒王百家衣體白相看不忍發慘淡暮朝平欲別更攜

手月明洲渚生此得天趣問曰何以識其天趣曰能知

蕭何所以識韓信則天趣可解余竟不能詰

東坡曰淵明詩初看若散緩熟讀有奇趣如曰日莫巾柴

車路暗光已夕歸人望烟火稚子候簷隙又曰藹藹遠

人村依依墟里烟犬吠深巷中雞鳴桑樹顛才高意遠

造語精到如此如曰一千里色中秋月十萬軍聲半夜

潮鱗鯨夢中家尚里子規枝上月三更深秋蕉幙千家
雨落日樓臺一笛風皆寒乞相初如秀整熱視無神
氣以字露故也東坡則曰山中老宿依然在案上楞嚴
已不看細味之無齟齬態問甚的而字不露得淵明遺
意耳對句法人不過以事以意出處備具謂之妙荆公
曰平昔離愁寬帶眼迄今歸思滿琴心又曰欲寄荒寒
無畫畫賴傳悲壯有能琴不若東坡特奇如曰見說騎
鯨遊汗漫亦曾捫虱話酸辛又曰龍驤萬斛不敢過漁
舟一葉從掀舞以鯨爲虱對龍驤爲漁舟對大小氣焰
之不等其意若玩世謂之秀傑之氣終不可沒夫富貴
中不得言貧賤事少壯中不得言衰老康強不得言疾

病死亡或犯之謂之詩識是大不然詩者妙觀逸想豈
限繩墨武王維作雪中畫芭蕉詩眼見已知其神情意
寓於物俗則譏其不知寒暑荆公方大拜忽書其壁曰
霜筠雪竹鍾山寺投老歸歟寄此生東坡詩曰平生萬
事足所欠惟一死豈可與俗論余作詩曰東坡醉墨浩
琳琅于首空餘萬丈光雪裏芭蕉失寒暑眼中騏驎略
玄黃句法欲老健有英氣當間用方言爲妙奇男子行
入羣中自然有穎脫不可干犯之韻老杜八仙詩亭李
太白曰天子呼來不上船船方言也所謂襟紐是已家
家養烏鬼頓頓食黃魚川峽路民多供事烏蠻鬼以臨
江故頓頓食黃魚耳俗人不解便作養畜字讀遂使沈

詩話卷之九
存中自差以鳥鬼為鷓鴣也

詩云夜闌更秉燭相對如夢寐更互秉燭照之恐是夢也
作更字讀則失意甚矣山谷每用之所謂一霎杜公兩
數番花信風是也江左風流久已零落士大夫人品不
高故音韻絕滅東晉韻人勝士無出謝安石之右烟霏
空翠間乃携娉婷登之與夫雪夜訪山陰故人興盡而
反下馬據胡床三弄而去者異矣詩有句會蓄者老杜
曰勲業頻看鏡行藏獨倚樓鄭雲更曰相看臨遠水獨
自上孤舟是也有意含蓄者如宮詞曰銀燭秋光冷畫
屏輕羅小扇撲流螢天街夜色涼如水卧看牽牛織女
星又嘲人詩曰恠來粧閣閉朝下不相迎總向春園裏
花開笑語聲是也有句意俱全者如九日詩曰明年
此會知誰健醉把茱萸仔細看宮怨曰玉容不及寒鴉
色猶帶朝陽日影來是也並同前

田承君云王居卿在揚州同孫巨源蘇子瞻清相會居卿
置酒曰疎影橫斜水清淺暗香浮動月黃昏此林和靖
梅花詩然而為諫杏與桃李皆可東坡曰可則可但恐
杏李花不敢承當一座大笑直方詩話

增修詩話總龜卷之九

增修詩話總龜卷之十

雅什門上

王安國平康作詩多使酒樓語宋次道曰楊文公詩有酒樓江南堤柳拂人頭李白題詩遍酒樓錢昭度亦有一酒樓長憶錢塘江上望酒樓人散雨千絲今子詩有幾一酒樓次道曰吾詩有二酒樓九江琵琶亭云夜泊潯陽宿酒樓琵琶亭畔荻花秋雲沉鳥沒事已往月白風清江自流又送客西陵云若耶溪畔醉秋風獵獵船旗照水紅後夜錢塘酒樓上夢魂應遶浙江東青箱雜記西方琥東州人鄭毅夫榜第期集處告毅夫曰榜中琥最少年乞作探花郎毅夫云已差二人琥曰此無定員

言詩經卷之十
添一員何損公吏曰前日琥第三甲合出鋪地錢二十
緡若作職事則不出錢琥曰願出錢毅夫從其請琥已
受符不出緡毅夫切責之而倍其罰琥白毅夫曰晚進
未嘗工詩願狀元先爲之以爲楷式毅夫曰綠袍不怕
露痕濕直入開花濼處來他日復見毅夫曰一見雅詩
不敢下筆翌日當再進詩願公代之毅夫復云朝來已
與碧桃約留住春風不放歸聞者歎服翰府名談
成都慈光寺尼乘舟夜行一篇亦佳云水色連天色風聲
益浪聲旅人歸思苦漁父夢魂驚舉棹雲先到移舟月
遂行旅吟詩句罷猶見遠山橫

京師曹氏家藏阮步兵詩一卷唐人所書與世所傳多異

有數十首集中所無其一篇云放心懷寸陰羲和將欲
冥揮袂撫長劍仰觀浮雲行雲間有立鵠抗首揚哀聲
一飛冲青天疆世不再鳴安與鷄鷄徒翩翩戲中庭又
云嘉木不成蹊東園損桃李秋風吹飛雀零落從此始
更回睥孫巨源云此詩工夫不少刻之石

吳人方子通作古栢詩云四邊喬木盡見孫曾見吳官幾
度春若使當時成大厦也應隨例作埃塵又作灑灑堆
詩湍流怪石碍通津一一操舟若有神自是世間無妙
手古來何事不由人舒王見而奇之雲齋廣錄

舒王得請金陵寓定力院題一絕於壁間云溪北溪南水
暗通隔溪遙見夕陽春思量諸葛成何事只合終身作

卧龍。

天聖中禮部郎中孫冕詩三英詩劉元載妻詹茂光妻趙
晟之母早梅寄遠惜別三詩劉妻哀子無立詹妻留夫
侍母病趙母懼子遠遊孫公愛其才以取之早梅詩云
南枝向暖北枝寒一種春風有兩般憑仗高樓莫吹笛
大家留取倚闌干寄遠詩云錦江江上探春回消盡寒
冰落盡梅爭得見夫似春色一年一度一歸來惜別詩
云煖有花枝冷有冰惟人沒後却無憑預愁離別苦相
對挑盡漁陽一夜燈金華廬洲集又據遺記梅花
詩是女仙題蜀州江梅閣
王元字文元桂林人苦吟風月終于貧病妻黃氏共持雅
操每遇得句中夜必先起然燭供具紙筆元甚重之有

聽琴詩曰拂琴開素俾何事獨頻看古調俗不樂正聲

公自知寒泉出澗澁老檜倚風悲復有來聽者誰堪繼

子期好事者畫為圖郡閣雅談

僧虛中宜春人游瀟湘山與齊己顧栖蟾為詩友住湘江

西宗成寺潭州馬氏子扁振侍中好事每出即延納於

書閣中好燒柴火烟皆彩翠去後復節題馬侍中池亭

云嘉魚在深處幽鳥立多時集首寄華山司空圖侍郎

云門徑放莎垂往來投刺希有時開御札特地掛朝衣

岳陽僧傳去天香鶴帶歸他時周召作無復更衰微司

空侍郎有詩言懷云十年華岳峰前住只得虛中一首

詩同前

言詩經卷之十
唐大清真宮使翰林學士錢起多作佳篇人必起詩不過百
首有錢蒙仲得江行無題一百絕皆人家藏本所無有
云霽雲疎有華雨浪細無聲穩放扁州去天自有程
又憔悴異靈均非讒作逐臣如逢漁父問未是獨醒人
又烟渚復烟渚畫屏畫屏引惹天末去數點暮山青
又隄壞漏江水地拗成野塘晚荷從不折留取作秋香
詩史

權常侍題山寺曰萬葉風聲利一山秋氣寒曉霜浮碧瓦
薄日度朱欄又得即高歌失即休多悲多恨謾悠悠今
朝有酒今朝醉明日愁來明日愁

王駕大順中擢第為禮部員外郎棄官號守素先生與司

空圖鄭谷為詩友所為詩少傳者晴景一篇最佳云雨
前不見花間葉雨後全無葉底花蜂蝶飛來過墻去應
疑春色在人家

柳彥深塞上云鳴鶴直上幾千尺天靜無風聲更乾碧眼
胡兒三百騎盡提金勒向雲看都下好事者畫為圖

歐陽文忠公酷愛鮑溶詩山中寒思一篇最佳云山深多
悲風敗葉與林齊門迳非世路何人念窮棲哀風破山
起夕雪悞鳴雞巢鳥侵旦出饑猿無聲啼辰興動烟火
開雲伐冰溪老木寒更瘦陰雲晴亦低我負自力永
色常低迷時想靈臺下遊子正悽悽文忠晚得恨見之
遲令人少愛溶詩者

言言經卷之十
閩人謝伯初字景山天聖景祐之間以詩知名余謫夷陵
景山為許州法曹以長韻見寄頗多佳句有云長官山
色江波綠學士文華蜀錦張余答曰參軍春思亂如雲
白髮題詩秋送春蓋景山有多情未老頭先白野思到
春亂如雲之句故余此戲之景山詩頗多如自種黃花
添野景旋移高竹聽秋聲園林換葉梅初熟池館無人
燕學飛皆無愧唐賢仕宦不偶終以困窮而卒其詩因
錄于此云江流無險似瞿塘蒲峽獨聲斷旅腸萬里可
堪人謫宦經年應合鬢成霜長官山色江波綠學士文
華蜀錦張異域化為儒雅俗遠民爭識校讎郎才如夢
得多為累情似安仁久悼亡下國難留金
客新詩傳

此竹枝娘典辭縣待脩青史諫草當留集皂囊莫為明
時輕譴謫便將纓足濯滄浪歐陽公詩話

鄭相肇救廬州日以詩酒為娛題郡齋曰九衢塵裏一書
生多幸逢時擁節誰醉裏眼開金使字紫旂風動耀

明后代者薛沆即中到郡題藏舟浦花一聯云也知別
有風光主蔭蓄枝枝似去年又別後寄席中三蘭三人
名中並曰蘭淮淝兩水不通隔岸臨流望向東千顆
淚珠無寄處一時彈與渡前風鄭多佳句如凍瓶粘柱
礎宿火陷爐灰人皆稱之南郡新書

廖凝字熙績善吟諷有學行隱居南岳三年江南受偽官
為彭澤令遷連州刺史與昇平李建勳為詩友善相有



原件短缺

P6

集蓋見行於世咏中秋月與聞蟬為絕唱中秋月云九
十日秋色今宵已平分孤光吞列宿四面絕微雲眾木
排踈影寒流疊細紋遙望丹桂心緒正紛紛聞蟬云
一聲初應候萬木已西風偏感異鄉客先於離塞鴻日
斜金谷靜雨過石城空此處不堪聽蕭條千古同凝居
南岳章鼎有詩贈曰君與白雲鄰生涯久恐貧姓名高
雅道寰海許何人岳氣秋來早亭寒果落新幾回吟石
畔孤鶴自相親初宰彭澤有句云風清竹閣留僧宿雨
濕沙庭放吏衙解印有句云五斗徒勞謾折腰三年兩
鬢為誰焦今朝官滿重歸去還挈來時舊酒瓢江左學
詩者競造其門

涑園為傲吏定應明代作徵君家傳奕世無金玉樂道
經年有典墳帶雨小舟橫別澗隔花幽犬吠深雲到頭
終為蒼生起休戀耕烟楚水濱融李刺史何承矩葬之
進士鄭鉉葬其墓

劉相公歎因白令公維持方入翰苑仍賜及第為同列所
輕因作詩曰曾是江波垂釣人自憐深厭九衢塵浮生
漸老年隨水往事曾聞淚滿巾已覺遠天秋色動不堪
閑夜雨聲頻多慙不是相如筆虛直金鑾接待臣待漏
院吟曰玉堂簾外燭遲遲明月初符契劫時閒聽景陽
鐘盡處兩鶯飛上萬年枝才調清詞終秉釣衡盧懷
辭尚書劉為河東從事人假歸寧題候館曰僕帶彫弓馬

似飛老萊衣上着。或水郵亭不暇吟。山水塞外經年皆
未歸。後鎮徐州。味柳曰。高出軍營。遠望橋。曾逢兵火一
時燒。風流性在終難挫。暖日還生萬萬條。又有雅句坐
久僕頭出語多。僧齒寒。南部新書

吳門陸暢即中嘗和人雪詩落句曰天人寧底巧剪水作
花飛。又出齋看月云野性平生惟好月。新晴半夜覩嬋
娟。起來自礙書窓破。恰漏清光落枕前。後因雲安出降
百僚舉暢為僮相。奉詔作催粧詩云雲安公主貴出降
五侯家。天母看調粉。日兄憐賜花。催鋪百子帳。待障七
香車。借問粧成未。東去欲晚霞。古今詩話

潘浪歸錢塘云。久客見華髮。孤棹桐廬歸。新月無朗照。落
日有餘輝。漁浦風水急。龍山烟火微。時聞沙上鴈。一
皆南飛人。謂不減劉長卿。同前。

韋承貽咸通中策試夜潛紀長句於都堂南壁云。裛衣博
帶滿塵埃。獨上都堂納卷回。蓬巷幾時聞吉語。棘籬何
日却重來。三條燭盡鍾初動。七轉丹成鼎未開。殘月漸
低人擾擾。不知誰是謫仙才。又云白蓮千朵照廊明。一
片昇平雅韻聲。才唱第三條燭盡。南官風月畫難成。嗣
徐休雅長沙人。因馬希範夜宴迎四儀夫人賦詩云。雲路
半開千里月。洞門斜掩一天春。又作官詞云。內人曉起
怯春寒。輕揭珠簾看牡丹。一把柳絲收不得。和風搭在
玉欄杆。曾獻家宴堂上首。時稱冠絕那關雅談。

文宗禮部侍郎高銜作貢舉試霓裳羽衣曲詩時宗子
李肱詩最佳詩曰開元太平時萬國賀豐歲梨園獻小
曲玉座流新製鳳管勞參差霞衣覺搖曳宴罷水殿空
輦餘芳草細蓬壺事已久仙樂功無替詎肯聽餘音聖
明知善繼

梅州蔡牧嘗作責四皓詩云秦末家家思逐鹿商山四皓
獨忘機如何鬢髮霜相似更出山來定是非及假節交
豈道經湖口零陵太守鄭史同年也遠以酒樂相迎坐
有瓊枝者守之所愛奪之而去洎中興頌下繩挽不前
久之到邑御制失律伏法湘川權厝二子延近終喪而
逝論者謂妄責四皓而欲買山於浯溪之間不徒言哉

詩曰停棹積水中興自孤鴻外借問浯溪人誰家有山

責宋云溪友議

舉子尉遲正梗槩士也獻詩于右坐李林甫有暮行潼關
云明月飛出海黃河流上天觀內人樓上踏歌云芙蓉
初出水桃李忽無言塞上曲云夜夜月為青塚鏡年年
雪作黑山花右坐鑒此句云得非才子乎

徐安正侍郎久居中書堂參事書丞之論恐罪累乃隱衡
山為東林撥菜行者李北海嘗遊岳過寺觀其題詩處
曰不知徐公乃在此握手言曰朝列於公論已息矣遂
解布褐而釋以簪裳謂徐曰曾吟峴山詩曰峴山思駐
啞之日嘗亦默誦之遂同載歸長沙

正元五年置中和節德宗製詩朝臣奉和詔寫本賜戴叔倫於容州天下美之中和變梅柳萬彙生春光中和紀月令芳與天地長耽樂豈不尚懿茲特景辰庶遂亭育恩同致寰海康君臣永終始交泰符陰陽曲沼水新碧華池桃梢芳勝賞信多歡戒之在無荒廣卓異記

唐黃損龍德二年登進士第喜作詩吟讀史云逐鹿走紅塵炎炎火德新家肥生孝子國霸有謀臣帝道靈龍合民心草木春須知烟閣上一半老儒真雅言雜載

李洞諸王孫游西川慕浪仙為詩作銅像其儀事之如神洞為終南詩二十韻有殘陽高照蜀敗葉遠浮溼復曰砍竹烟嵐凍偷秋雨窸腥遠看丹鳳閣冷射五侯廳

全篇皆絕唱又贈司空侍郎云馬饑冷落葉鶴病曬殘

陽又白捲箔青溪月敲松紫閣書送僧云越講迎騎象蕃齋懺射鵬贈高僕射云征南破虜漢功臣提劍歸來萬里身閒傍凌雲金柱看形容消瘦老於真送人歸日本云島嶼分諸國星河共一天但謂其僻澁而不知奇

貴其峭唯吳子華深知之子華才力浩大八面受敵以百篇示洞洞曰大兄所示百篇中有一聯絕唱新亭曰暖漾魚遺子晴遊鹿引麝子華不然所鄙而喜其所許

洞三勝裴公第二勝策夜簾獻曰公道此時如不得昭陵慟哭一生休尋卒於蜀裴公無子人謂屈洞所致

周賀少從浮屠法名清鑒遇姚合而返初與賈島無可齊

名鳥哭栢巖禪師曰。苔覆石床新。師曾占幾春。寫留行道影。焚却坐禪身。塔院關松雪。房廊露隙塵。自憐雙淚下。不是解空人。賀詩曰。林逋西風急。松枝講妙餘。凍鬚亡夜剝。遺偈病時書。地燥焚身後。堂空看影初。此時頻下淚。曾有到吾廬。同前

孟賁于蟠溪懷古云。良哉呂尚父。深隱始歸周。釣石千年在。春風一水流。松根盤錦石。花影卧沙鷗。誰更懷韶術。追思古渡頭。又懷連上舊。居云閑思連上景。難齊樹遠仙鄉路。遠溪明月夜。舟漁父唱。春風平野鷓鴣啼。城邊寄信歸雲外。花下傾盃到日西。更憶海陽詩。釣侶昔年相遇。百草萋萋。雅言系述

曹鄴字業之。桂林人。為四怨三愁五情詩。其怨云。庭花已結子。石花猶弄色。誰令生處遠。用盡春工力。其愁云。別家髮未生。到城鬚似髮。朝朝臨水望。潮水不入越。其情云。空城野雀饑。咬咬復飛飛。忽見官倉粟。官倉無空時。為令人韋慤所知。力薦於主司。乃中第。看榜日。諭主司云。一辭桂嶺猿。九泣都門月。年年五五春。至看花不如雪。杏園宴上呈。同年云。賢路非在天。十年行不至。一旦公道開。青雲在平地。又云。故衣未及換。尚有去年痕。又云。永持共濟心。莫起胡越意。

劉章子。兄明。江左人。事湖南馬氏。有蒲鞋詩云。吳江浪浸白蒲春。越女初挑一樣新。纔自綉窓離玉指。使隨羅襪

言言詩集卷之十一
十一
上香塵。石榴裙下從容久。玳瑁筵前整頓頭。今日高樓
鴛瓦上不知拋擲是何人。

黃損連山人作公子行云春草綠綿綿。騎驂暖烟微風
飄樂韻。半日醉花邊。打鵲拋金盞。招人舉玉鞭。田翁與
鸞婦。平地看神仙。又出山吟云。來書初出白雲扃。乍躡
秋風馬走輕。遠近留連分岳色。別離嗚咽亂泉聲。休將
策許爭喧雜。自共伊。早論太平昨夜細看雲色裏。進賢
星座甚分明。並同前。

詩話總龜卷之十一

增修詩話總龜卷之十一

雅什門下

張瀛碧之子也。事廣南劉氏。官至曹郎。嘗為歌贈琴棋僧
同列。見之曰。非其父不生其子。詩云。我嘗聽師法。一說
波上蓮花水中月。不垢不淨是色空。無法無空亦無滅。
我嘗聽師禪。一觀浪溢鰲頭蟾魄滿。河沙世界盡空空。
一寸寒灰冷燈畔。我又聽師琴。一撫長松喚住秋山雨。
絃中雅弄若鏗金。指下寒泉流太古。我又聽師棋。一着
山頂坐沉紅日脚。阿誰稱是國手人。羅浮道士賭却鶴
輸却藥法懷斟下。紅霞丹束手不敢爭頭角。雅言系述
翁宏字大舉。桂嶺人。常寓居韶。賀問不仕。進能詩。宮詞云

又是春殘也。如何出翠帷。落花人獨立。微雨燕雙飛。寓目魂將斷。經年夢亦非。那堪向秋夕。蕭颯暮蟾輝。秋風曲云。又是秋殘也。無聊意若何。客程江外遠。歸思夜深多。峴首飛黃葉。湘湄走白波。仍聞漢都護。今歲合休戈。塞上曲云。風高弓力大。霜重角聲乾。海中山云。客飯來異域。別島落蟠桃。秋月云。寒清萬國土。冷闢四維根。曉月云。漏光殘。井甃缺。影背山椒。送人下峽云。萬木殘秋裏。孤舟半夜獨。南越行云。因尋買珠客。悞入射獵家。細雨云。何處殘春夜。和花落古宮。途中逢故人云。孤舟半夜雨。上國十年心。開寶中衡山處士廖融南遊宏有詩云。病卧瘴雲開。莓苔漬竹關。孤吟牛渚月。老憶洞庭

山。壯志潛消盡。浮風竟未還。今朝忽相遇。執手一開顏。宏以百篇示融。融謝宏云。高奇一百篇。見造化工全。積思遊滄海。冥搜入洞天。神珠迷罔象。瑞玉匪雕鐫。休歎不得力。離騷千古傳。王元懷云。獨夜思君切。無人知此情。滄洲歸未得。華髮別來生。孤館木初落。高空月正明。遠書多隔歲。猶念沒前程。皆佳句也。

張子明攸縣人。居鳳巢山。有詩名。孤鴈一篇最佳云。隻影翩翩下碧湘。旁池鴛鴦下銀塘。雖逢夜雨迷深浦。終向晴天着舊行。憶伴幾回思片月。蛻翎多為繫繁霜。江南塞北俱關念。兩地歸飛似故鄉。路洵美唐相若之元孫有夜坐詩云。簾捲竹軒清。四鄰無

言言... 語聲漏從吟裏轉。月自坐來明。草木露華濕。衣裳寒氣

伍彬邛陽人初事馬氏王師下湖湘。按官為安邑簿秩滿

歸隱題全義分水嶺云前賢功及物。禹後杳難傳。不及

古今色平分。南北流寒衝山影岸。清繞荻花州。盡是朝

宗去。滌漫早晚休。夏日喜雨云稚子出看沙。徑沒漁翁

來。報竹橋流。辭解牧云蹤跡未辭鴛鴦客。夢魂先到

鵬。鵠村泊居隱。廖融書其屋曰圓塘綠水平。魚躍紫萼

生。要路貧無力。深村老退耕。犢隨原州遠。蛙傍野雞鳴。

撥棹茶川去。初逢穀雨晴。路振贈詩云考終秋岳白歸

隱舊峰前。庭樹鳥頻啄。山房人尚眠。寒岩落桂子。野水

過茶烟已絕。勞生念屢心向竺乾。

王元字文元桂林人有登祝融峰詩云草疊到孤頂身齊

高鳥翔勢疑撞翼軫。翠欲滴瀟湘。雲濕幽崖滑。風梳古

木香。晴空聊縱目。杳杳極窮荒。又聽琴云拂塵開素匣

有客獨傷時。郡閣雅談記第二古調俗不樂。正聲君自

知。寒泉出澗澁。老檜倚風悲。縱有來聽者。誰堪繼子期。

題鄧真人遺址云三千功滿輕升去。留得山前舊隱基。

但見白雲長掩映。不知浮世幾興衰。松梢風觸霓旌動。

椽葉霜霑鶴翅垂。近代無人尋異事。野泉噴月寫秋池。

與廖融為詩友贈之云伴行惟瘦鶴。尋寺入深雲。終于

長沙

李韶郴州人苦吟固窮題司空山觀云梁代真人上紫微
水盤山脚五雲飛杉松老盡無消息尤得千年一度歸

識者謂韶必無名果如其言王元有詩悼之云韶也命
何羈生前與世違貧棲古梵刹終著舊麻衣雅句僧抄

遍孤墳客吊稀故園今孰在應見夢中歸

陞蟾不知何許人居攸縣司空山聞子規云後夜入清明

遊人何處聽花殘斑竹廟雨歇峴山亭樹鐸月欲落總

問酒正醒衆禽方在夢誰念爾勞形

王操字正美江左人太平興國中南郊賦授太子洗馬奉

使隴右至石壕驛作黃葵詩於壁云昔年南國看黃葵

雲髮金釵向後垂今日林容籬落下秋風寂寥天兩三枝

李相國昉自延安入覲見詩愛之後贈相國云袖中詩

草朝天去頭上官花侍宴歸贈劉將軍云三十懸鉤事

聖朝功名常愛霍嫫姚錦衣香重花垂足玉帶光寒雪

遶腰秣馬暖思秦地草弦弓秋憶鴈門鷗清時閑却英

雄興醉聽笙歌擲酒瓢寒食云馬搖金勒嘶村野人搶

花毬落野田夜宴云彩綫分卷碧雲薄蟬燭對燒紅淚

乾同前

卜震蜀人嘗吟即事云雨壁長秋菌風枝落病蟬又云老

筇措瘦影寒木凭吟身春日偶題云詩債到春無處避

離愁因醉暫時無即事云茶香解睡磨鐺煮山色牽懷

着屐登並同前

郭功父方與荆公坐有一人展刺云詩人龍太初功父勃
然曰相公前敢稱詩人其不識去就如荆公曰且請
來相見既坐功父曰賢道能作詩能為我賦乎太初曰
一甚好功父曰只從相公請箇詩題時方有一老兵以沙
一擦銅器荆公曰可作沙詩太初不頃刻間誦曰茫茫黃
出塞漠漠白鋪江馬去風平篆潮回日射星功父聞筆
太初緣此名聞東南余後於喬希聖家見太初詩一軸
皆不及前所作直方詩話

東坡作彭門守時過齊州李公擇中秋席上作一絕云暮
雲收盡溢清寒銀漢無聲轉玉盤此生此夜不長好明
日明年何處看其後山谷在黔南令以小秦王歌之

韓持國醢醢一絕云平生為愛此香濃仰面常迎落絮風
每到春歸有遺恨典刑尤在酒杯中

詩云春陰垂野草青青時有幽花一樹明晚泊孤舟古祠
下滿川風雨看潮生此蘇子美詩也雙同集又同前

賀方回題一絕于定林云破冰泉脉漱籬根壞衲遙疑掛
樹猿蠟屐舊痕尋不見東風先為我開門舒王見之大
稱賞緣此知名

詩云欲掛木冠神武門先尋水竹渭南村却將舊斬樓蘭
劍買取黃牛教子孫不知何人作

石曼卿以書名世然愈大愈妙嘗書三佛名最為雄俊張
文潛有詩云煌煌三佛名榜鐵金石鈕開張官室上渾

質山岳厚井水駭龍吟蟻封觀驥驟余愛能道其妙處
 詩曰蛟室圍青艸龍堆隱白沙護江盤古木迎棹舞神鷗
 破浪南風正收帆畏日斜雲山千萬疊何處上山槎此
 老社過洞庭詩也李希聲云得之於江心一小石刻人
 生燭上花火滅巧妍盡春風饒樹頭日與化工進只知
 雨露貧不聞零落近昔我飛骨時慘見當塗墳青松露
 朝霞縹緲山下村既死明月魄無復玻璃魂念此一脫
 灑長嘯登崑崙醉着鸞鳳衣星斗俯可捫又曰朝披雲
 夢澤笠釣青茫茫尋綠得雙鯉中有二元章篆字若丹
 蛇遶勢如飛翔歸來問天老與義不可量金刃割青紫
 靈文爛煌煌燕服十二環奄有仙人房暮跨紫鱗去海

氣侵肌涼龍子善變化化作梅花粧贈我叠叠珠璣靡

明月光勸我穿絡纒繫作裾開璫挹予以詞去談笑聞

餘香元祐八年東坡帥定武李方叔王仲弓別於惠濟

出示南岳典寶東華李真人像又出此二詩曰此李真

人作也近有人於江上遇之得此云即李太白也並同前

楊大年錢文僖晏元獻劉子儀以文章立朝為詩皆宗李

義山號西崑體後進效之多竊取義山語御嘗賜百官

宴優人有裝為義山者衣服敗裂告人曰為諸館職持

捲至此聞者大噱然大年漢武詩云力通青海求龍種

死諱文成食馬肝待詔先生齒編具忍令乞米向長安

義山不能過古今詩話

三正白唐末大播詩名嘗作御溝詩云一派御溝水綠槐
 相蔭青此波涵帝澤無處濯塵纓鳥道來雖險龍池到
 自平朝宗心本切願向急流傾示貫休休曰刺一字正
 白揚袂而去休曰此公思敏書一中字於掌遂巡正白
 曰曰此中涵帝澤休以掌中示之不異所改青瑣後集
 史青零陵人其先名籍秦隨幼而聰敏博聞強記開元初
 上上衣自薦臣聞曹子建七步成章臣愚以為七步太
 多若賜召試五步之內可塞明詔明皇試以除夜上元
 觀燈竹火龍等詩惟除夜最佳云今歲今宵盡明年明
 日催寒隨一夜去春逐五更來氣色空中改容顏暗裏
 摧風光人不覺已入後園梅喜末詩以明皇稱賞授左

僧乾康零陵人齊已在長沙居湘西道林寺乾康往謁之

齊已知其為人使謂曰我師門仍非詩人不游大德來

非詩人耶請為一絕以代門刺乾康詩曰隔岬紅塵忙

似火當軒青嶂冷如冰烹茶童子休相問報道門前是

衲僧齊已大喜日與款接及別以詩送之乾康有經方

子舊居詩云鏡湖中有月處士後無人荻筍抽高節鱸

魚躍老鱗為齊已所稱乾德中左補闕王仲知永州康

捧詩見仲覩其老醜曰豈有狀貌如此能為詩乎宜試

之時積雪方消命為詩康曰六出奇花已住開郡城相

次見樓臺時人莫把和泥看一片飛從天上來仲驚曰

其言不淺吾豈可以貌相人也待以殊禮

賈島詩有影落句韓退之喜之渡桑乾詩曰客舍并州已
十霜歸心日夜憶咸陽如今又渡桑乾水却望并州是
故鄉赴長江道中詩曰策杖馳山驛逢人問梓州長江
那可到行客替生愁冷齋夜話

韓子蒼曰丁晉公海外詩云艸解忘憂憂底事花名含笑
笑何人世以為工及讀東坡詩曰花非識面常含笑鳥
不知名時自呼便覺才力相去如天淵

余自并州還江南過都下蔡子因約相見相國寺問余有
詩余曰覓見範有寒品一元懷京師詩曰上元獨宿寒品
寺卧看青燈映薄紗夜久雪狼啼岳頂夢回清月上梅
花十分春瘦緣何事一掬歸心未到家却憶少年行樂

康軟紅香霧噴東華今能作京師上元懷山中可乎余
為之曰北遊爛熳看并州重到皇州及上元燈火風光
記前事管絃音律試新番期人未至情如海穿市歸來
月滿軒却憶寒山石曾獨宿雪燈殘夜一聲猿

世徒知文與可掃墨竹不知其高才兼諸家之妙詩尤精
絕戲作鷺鷥六言曰頸細銀鉤淺曲脚高綠玉深翹岸
上水禽無數有誰似汝風標

苦吟門

李昇受禪之初忽半夜寺僧撞鐘滿城皆驚召將斬之對
云夜來偶得月詩乃曰徐徐東海出漸漸上天衢此夕
一輪滿清光何處無喜釋之江南野錄

潘閻自號道暹子作苦吟詩曰髮任莖莖白詩須字字清

同前

方干為詩練句字字有功寄人云鶴盤遠勢接孤嶼蟬曳殘聲過別枝鑑戒錄

唐人為詩常積思數十年然後各自名家杜少陵云更覺良工用心苦豈特我哉古今詩話

陳舍人從易當時文盛之際獨以醇儒古學見稱詩類白樂天自稱楊劉唱和西崑集行後進學者爭效之風雅

之變謂之崑體由是唐賢諸集廢而不行陳公時偶得杜集雜果本文多脫誤至送蔡都尉詩云身輕一鳥其下

脫一字陳公與數客各用一字補之或云疾去落或云下莫能定后得一善本乃是身輕一鳥過陳公歎服以

為雖一字諸君亦不能到歐公詩話龐穎公喜為詩雖臨邊典郡文案委前日不廢三兩篇以

此為適及疾甚余時為諫官以下餘篇相示手批其後曰欲令吾弟知老夫疾中尚有此思取字已慘淡難識

數日薨間居詩話寇萊公延僧惠崇於池亭分題為詩公探得池上柳青字

韻崇探得池鷺明字韻日午至晡崇忽點頭曰得之矣此篇功在明字凡五壓不倒公曰試口占曰雨歇方塘

溢遲回不復驚暴翎沙日暖引步島風清照水千尋迥棲烟一點明主人池上鳳見爾憶蓬瀛公笑曰吾柳之

功在青字而四壁不倒不如且已貫休懷武昌故樓云
風清江上寺。霜洗月中砧。得句生呈佛。無人知此心。

賈島初赴舉在京師一日於驢上得句云鳥宿池中樹僧

敲月下門又欲推字煉之未定於驢上吟哦引手作推

敲之勢觀者訝之時韓退之權京兆尹車騎方出島不

覺行至第三節尚為手勢未已俄為左右擁至尹前島

具對所得詩句推字與敲字未定神遊象外不知迴避

退之立馬久之謂島曰敲字佳遂並轡而歸共論詩道

留連累日因與島為布衣之交有贈島詩曰孟郊死葬

北邙山日月風雲頓覺開天恐文章聲斷絕故生賈島

在人間自此名著後因不第乃為僧改號無本居一法

乾寺與無可唱和一日宣宗微行至寺聞鍾樓上有吟

聲遂登樓於島按上取詩卷覽之島不識乃攘臂睨之

遂於手內取詩卷曰即君何會此耶宣宗下樓而去既

而島知之亟謝罪乃賜御札除遂州長江簿後遷普州

司倉卒故程錡以詩悼之曰倚恃詩難繼昂藏貌不恭

騎驢衝大尹奪卷忤宣宗馳譽超前輩居官下我儂司

倉舊曹事一見一心恠王元贈詩曰江城賣藥常將鶴

古寺看碑不下驢唐宋遺史

僧齊已往袁州謁鄭谷獻詩曰高名喧省闥雅頌出吾唐

疊嶽供秋望飛雲到夕陽自封修藥院別下着僧床幾

許中朝事久離鴛鴦行谷覽之云請改一字方得相見

言詩總龜卷之十一
經數日再謁稱已改得詩云別掃着僧來谷嘉賞結為
詩友郡閣雅談

賈島元和中嘗跨驢張蓋橫截天街時秋風正厲黃葉可
掃島吟曰落葉滿長安求一聯不可得不知身之所從
因衝京兆尹劉栖楚節被繫一夕釋之又嘗遇武宗於
定水精舍島尤肆慢武宗訝之他日另與一日授長江
尉至普州司倉卒

永叔言苦吟句云一句坐中得片心天外來茲所謂苦吟
破的之句青瑣集

詩話總龜卷之十一

增修詩話總龜卷之十二

警言句門上

太祖嘗顧近侍曰五代干戈之際猶有詩人今太平日久
豈無之也中官宋永圖於僧寺園亭中得詩百篇以進
有丞相李文正公昉宰相僧閣閒望一聯云水光先見
月露氣早知秋古今詩話

揚朴字契元鄭州人善為詩少嘗與畢安簡公安士同學文

簡薦之太宗召見面賦萊衣詩云狂脫酒家春醉後亂

堆漁舍晚晴時除官不受聽歸山以其子從政為長水

尉朴為七夕詩云年年乞與人間巧不道人間巧已多

魏野陝人字仲先少時未知名題河上寺柱云數聲離岬

櫓幾點別州山。時有幕僚本江南。文士見之大驚。激與相見。贈詩曰：惟得名稱野元來。姓不群。仍為延譽。由是人始重之。真宗西祀。遣中使召之。野閉戶踰垣而遁。

熙寧六年有司言四月一日當蝕上為

徹樂避正殿

一夕微雨不見日食。是日有皇子之慶。蔡子正為樞密。獻詩云：昨夜薰風入舜韶。君王方避正衙朝。陽暉已得前星助。陰沴潛隨夜雨銷。其叙四月一日避正殿皇子慶誕。陰雲不見日食之盡矣。當時無能過云。

成都妓單氏贈陳希夷詩云：帝王師不得日月老。應難名士多稱之。唐宋遺史。

晏元獻覽李慶富貴曲云：軸傳曲譜金書字。樹記花名。

玉篆牌曰：此乃乞兒相。未嘗諳富貴者。故公每言富貴不及金玉錦綉。惟說其氣象。若樓臺側。昨楊花過。簾幙中間。燕子飛。梨花院落溶溶月。柳絮池塘淡淡風。是也。公自以此句語人曰：窮人家有此景否。宋苜公見公佳句。皆書於齋壁。如無可柰。何花落去。似曾相識。燕歸來。靜尋啄木。藏身處。閒看遊絲。到地時。樓臺冷落。收燈夜。門巷蕭條。掃雪天。已定復搖春水色。似紅如白。野棠花之類。后人不可及。青箱雜記。

蘇為知吳興日。多作詩。內一篇最佳云：野艇閒撐處。湖天景亦微。春波無限綠。白鳥自由飛。柳色濃。聖岸山光冷。照衣時。携一壺酒。戀到晚涼歸。又在宣城作十首。以宣

城爲日內宣城花一篇首出曰宣城花疊嶂樓前簇綺霞若非翠露陶潛宅即是紅藏小謝家又在邵武有詩曰愛重八九月登臨高下樓林紅雲白處寒瀨泊漁舟丞相王文惠有官詞云一聲啼鳥禁門靜滿院落花春日長野步云桑柘科春色漁歌唱夕陽皆佳句也

楚僧惠崇工於詩題楊雲卿郊居云河分崗勢斷春入燒痕青長信詞云陰井生秋早明河徹曉遲江行晚泊云嶺暮清猿急江寒白鳥稀上谷相池上作云歸禽動疎竹落果响寒塘贈陳少府云野人傳相鶴山叟學彈琴夜坐云春淺水生井宵分月上簷贈疑上人云掩門青檜老出定白髭長送逐客云浪經蛟浦闊山入鬼門寒

經緣公舊寺云薄心偈傳諸國留真在一峰塞上云河水堅瘦馬寒雪空共嗚喜長公至云又別年顏改相逢夜話長隱者云多年不道姓近日旋移家宿東林寺云鳥歸山墮雪僧去石沉雲上楊內翰云露寒金掌重天近玉繩低柳氏書齋云著書驚日短彈劍惜春深上王太尉云探騎通番壘降兵逐漢旗田家秋夕云露下牛羊靜河明桑柘空舟行云林斷城隍出江分島嶼迴寄梅蘇州云鏢城山月上吹角海鷗驚宿楊侍郎東亭云卷幔來風遠移床得月多送程至云白浪分吳國青山隔楚天宿隱靜寺云空潭聞鹿飲疎樹見僧行送錢供奉云劍戟明山雪旌旗濕海雲梅鼎臣河亭云曠野行人

少長河去鳥平。宿。肇公齋云。月高山舍過。霜落石門深。

盧經西歸云。雪多奈木迥。雲盡漢山孤。濠梁夜泊云。夜

闌潮動舸。天迥月。臨城崔仰秋居云。葉影風中靜。虫聲

月下多。贈裴史君云。行縣山迎舸。論兵雪遶旗。早行云。

繁霜衣上濕。殘月。馬前低。秋夕云。磬斷虫聲出。燈迴鶴

影沉。書韓退之屋。壁云。移家臨醜石。租地得靈泉。秋夕

懷長公公。秋近草。出亂夜。遙霜月。低觀宴鄉老云。海鷗

聽舜樂。山老泛堯。鵬贈素上人云。午食下林鳥。夜蟬移

塚。孤夏夜云。扇聲。猶泛暑井氣。忽生秋江行。早發云。殘

月楚山曉。孤烟江。初春。翻經館。靖少卿房云。梵容分古

像。唐語入新經。題大。保道院云。鶴傳滄海信。僧和白雲

詩。秋夕懷汪白云。塞禽樓古柳。破月入微雲。贈白上人

云。花漏沉山月。雲衣起海風。喜陳助教至云。樓中天姥

月。塵上杜陵人。冬日野望云。人歸崗舍近。鴈過渚田遙。

送人知榮州云。山色臨巴迥。江流入漢清。春深道中云。

湘雲隨鴈斷。楚路背人遙。贈李道士云。松風吹髮亂。岩

溜澗棋寒。栖霞寺云。境閒僧度水。雲盡鶴盤空。林逋河

亭云。古路隨崗起。秋帆轉浦斜。楊秘校池上云。禽寒時

動竹。露重忽翻河。魏仲先山亭云。嵐重琴棋濕。風長枕

簟寒。塞上云。離砒鴈衝雪。渡河人上米。寄白閣上人云。

夜梵通雲竇。秋香漏石叢。陝西道中云。關河雙鬢白。風

雪一燈青。送防秋揚將軍云。殺氣生龍劍。威風動虎旗。

瓜州亭子云落潮鳴下岸飛雨暗中峰賀劉舍人云日
躔黃道迤春入紫微深除夜云寒燈催臘盡曉角喚春
歸幽并道中云鴈行沉古戍鷓影轉寒沙送僧歸天台
云景霽雲迴令秋風林動搖過陳希夷舊居云亂水僧
頻過荒松鶴不還宿橫江館云露館清鷲枕空庭月伴
琴維那道中云馬渡冰河闊鷓盤磧日高報國寺秋居
云驚蟬移古柳闢雀墮寒庭書早上入房云松風傳夕
磬谿霧擁春燈觀南郊天仗云霓旌搖曉色風吹遶春
雲贈義上人云坐石雲生衲添泉日入瓶昇平詞云萬
國無形治三邊不戰平國清寺云鴈鶴棲金刹秋僧過
石橋呂氏西齋云雪殘僧掃石風動鶴歸松劉參幽居

云風煖鳥巢木日高人灌園楊都官池上云竹風驚宿
鶴潭月戲春魚書方嶠壁云圭竇先知曉盆池別見天
送陳舍人巡撫云月露踈寒林雲濤閃畫旗宿齋上人
禪齋云鶴盤金刹潭龍漱玉瓶泉春日寇宣贊池上云
暄風生木末遲景入泉心七夕云河來天上闊雲度月
邊輕贈王道士云海人來相鶴山狄下聽琴送荊州云
畫鷁浮秋浪金鏡響春雲江城晚望云丹楓映郭迥綠
嶼背江深題王太保山亭云危溜含清瑟飛花點玉觴
送李秦州云朱旗臨雪卷畫角入雲吹畫上入西齋云
云孤雲還靜境遠籟發秋聲李太傅山莊云園基分雪
石汲井動金沙官中詞云井含春氣碧樓轉夕陰清送

吳袁州云鳥獸風沉日天清月上旗寄聲公云斜吹鳴
金錫歸雲擁石床塞上古戍生烟直平沙落日遲贈
嗣上人云拂石雲離帚烹茶月入鐺舟行云遠嶼迎檣
出林帶岬回送來上人云來時雲擁衲別後月隨筇
馬嶺淮亭云路橫岡燒斷風轉浦帆斜贈戴殿前云劍
靜龍歸匣旗開虎遶竿高誼書齋云品畫逢名客橫琴
憶古賢太乙山云雲陰移漢塞石色入晴天上送人云
地遥群馬小天關一鷗平范溶園池云江花凌霰發山
溜入池深獵騎云長風躍馬路小雪射鷗天高略書院
云古木風烟盡寒潭星斗深送段工部河北漕云渡河
風動旆巡部雨露車題高生山閣云對酒淮潮起題詩

楚月新經明大師房云門掩前朝樹心垂別郡峰送李
堪云秋聲動群木暮色起秋山並同前

歐陽文忠公守滁見王元之謝上表云諸縣豐登絕少公
事全家飽煖共荷君恩因成詩云諸縣豐登少公事全
家飽暖荷君恩據遺

楊軒字公遠衡州人嘗有燈詩曰解照日月不照處獨明
天地未明時同前

李煜作詩大率多悲感愁戚如青鳥不傳雲外信丁香空
結雨中愁髮從今日添新白菊是去年依舊黃之類然
思清句雅可愛翰府名談

陳亞大卿士大夫徒傳其諧謔之語不知其作詩甚佳如

浪平天影接山盡樹根回得作者之格

趙師民龍圖有春日積事詩云委地露花啼曉淚拂堤烟

柳弄春容又如麥天辰氣潤槐夏午陰清曉鶯林外千

聲囀芳草塔前一尺長皆佳句並同前

太常博士黃孝先字子忠為咏懷詩曰日者未知裴令貴

時人爭笑禰生狂又作重五詩曰風簷燕引五六子露

井榴開三四花春明退朝錄

孟賓于子名歸唐寓廬山學得瀑布一聯云練色有窮處

寒聲無盡時隣房有人亦得此聯互誦其句助教不能

理因送江州以全篇定之而歸唐勝焉大為時賢所知

夏寶松廬陵人與劉洞唱和為節度使陳德誠所知德誠

贈詩曰建水舊傳劉夜坐劉洞有夜坐詩螺川新有夏

江城寶松有江城詩曰鴈飛南浦鍾初動月滿西樓酒

半醒又云曉來羸馬依前去雨後遙山數點青皆佳句

江南野錄又雅言系述別有寶松宿臨江驛全篇并劉洞宿寶松山齋詩以寶松為保松

唐仁傑全州人苦吟陳德誠出守池陽仁傑以詩貽之云

紅旆渡江霞蘸水青蛇出匣雪侵衣德誠善之勉之入

金陵會休沐朝達集于升元寺召之坐酒行請仁傑賦

登閣詩立談而成其中有句云雲散便宜千里望日長

斜占半城陰其餘亦可觀贈嘉禾峰僧云只住此山能

有意向來求佛本無心時論與之並鑑戒野錄

施肩吾好作諸詩著山居百韻如荷翻紫蓋搖波面蒲莖

詩話卷之十一

言言集卷之十一
青刀挿水湄。烟粘薜荔龍鱗軟。雨壓芭蕉鳳尾垂。

錢鄧師嘗舉思賈誼兩句云。可憐半夜虛前席。不問蒼生問鬼神。后人何可及。談苑

潘道遥貧居詩曰。長喜詩無病。不憂家更貧。峽中聞猿曰。何須三叫絕。已恨一聲多。哭高舍人詩曰。生前是客曾投卷。死後何人與撰碑。張乖厓贈道遥詩云。莫嗟黑髮從頭白。終見黃河到底清。宋白尚書贈云。宋朝歸聖主。

潘浪是詩人退朝錄

蜀僧希畫游鴈碣山云。天長來月正。木末度猿稀。峇黃桂州云。東書逢歲嗣。去夢歷峰危。送廣漕云。春生桂嶺外。人在海門西。送僧東歸云。帆影先寒鴈。經聲隱暮潮。宋

承旨林亭云。雪溜垂危石。碁燈射遠林。贈僧云。漱齒水

溪遠。聞蟬雪屋深。送人云。玉繩天闕近。金柝海城秋。贈

勾學士云。曉天金馬路。晚歲石霜心。寄人云。山日秋光

短。江虹晚影低。送新律尉云。劍月啼猿苦。江沙濯錦寒。

北宮書亭云。花露盈虫穴。梁塵墮燕泥。贈關上人云。寄

禪關樹老。乞食塞城羌。送僧歸新安云。風泉藉聽僧窓

改。雲穴曾行鳥徑殘。春山云。芳樹侵雲老。孤泉落石危。

送人歸南海云。落日橫秋島。寒濤兀夜船。浙僧寶通題

相國寺云。下朝人帶天香出。入定僧迎御杖頭。僧守恭

佛迹峰云。市髮人來絕。嚙花鹿去多。僧行肇送僧云。定

錫樵停斧。窺人鳥立槎。送人之鄞江云。江聲驚背出帆

影斗邊飛僧簡長送人歸寧州云烟壘沉寒角霜空擊
怒鷗尚能送僧歸浙右云霜洲楓落畫水館月生寒送
僧歸四明云古寺山光後重城海氣圍送人云西風隨
鴈急寒柳向人疎送孫大諫知永興云關河虎符重殿
閣獸樽閑僧知人溪居云寒聲病葉落曉色凍雲開送
僧歸天台云路遙無去伴山疊有啼猿冬夕云風窓燈
易滅雪屋夜偏寒僧休復送道士西遊云日暮長安道
秋深太白峰僧惟鳳秋日送入云去路正黃葉別君堪
白頭哭度禪師云海客傳遺徧林僧寫病容談苑

揚文公言自雍熙初歸朝迄今三十年所閱士大夫多矣
能詩者甚鮮如侍讀兵部宿擅其名而徐鉉梁周翰范

宗黃夷簡皆前輩鄭文寶薛暉王禹偁吳俶劉師道李
宗諤李逢中李維姚鉞陳堯佐悉當時儕流後未著聲
者如路振錢熙丁謂錢易梅詢李拱蘇為朱巖陳越王
曾李堪陳詰呂夷簡宋綬邵煥晏洙江任焦宗古布衣
有林逋周啓明錢氏諸子有封守惟濟供奉錢昭度即
曲有今南鄭毀丞楊黎州家居及高官薄覺宗人字牧
之並有佳句可以摘舉而錢惟演劉筠特工於詩

楊徽之侍讀奏望云杳杳烟蕪何處盡搖搖風柳不勝垂
寒食云天寒酒薄難成醉地迥臺高易斷魂塞上云戍
樓烟自直戰地雨長腥僧舍云偶題岩石雲生筆閒遠
庭松露濕衣湘中舟行云新霜染楓葉皓月借蘆花哭

江為云。發宅寒塘水。荒墳宿艸烟。嘉璟川云。青帝已教春不老。素娥何惜月重圓。又云。浮花水入瞿塘峽。帶雨雲歸越雋州。元夜云。雲歸萬年樹。月滿九重城。宿東林云。開盡菊花秋色老。落遲桐葉雨聲寒。

徐鉉遊木蘭亭云。蘭橈破浪城陰直。玉勒穿花苑樹深。觀習水戰云。千帆日助陰山勢。萬里風馳下瀨聲。病中云。向空咄咄頻書字。忘世滔滔莫問津。謫居云。野日蒼茫悲鵬舍。水風陰濕弊貂裘。陳秘監歸泉州云。三朝恩澤馮唐老。萬里江山賀監歸。宿山寺云。落月依樓閣。歸雲擁殿廊。

梁周翰應制云。百花將盡牡丹折。十雨初晴太液春。黃夷

題入山居。不宿雨一番。蔬甲折。春山幾焙茗旗香。

鄭文寶郊居云。百草千花路。斜風細雨天。重經貶所云。過

關已躍。擗沙浦馬。悞出尤驚。顧兔屏。洛城云。星沉會節歌

鍾阜。天半上。陽烟樹微。贈張靈州云。越絕曉殘。蝴蝶夢

單于秋。引畫龍聲。長安送別云。杜曲花光濃似酒。灞陵

春色老於人。送人歸湘中云。滿帆西日催行客。一夜東

風落楚梅。南行云。失意憤中遷。客酒多年不見侍。臣花

棲靈隱寺云。雁冒芬霏。飄仙界。摘雙溪。時落海邊鷗。送入

知韶州云。碧落春風老。朱陵古渡頭。永熙陵云。承露氣

清駒送日。觚稜人靜。鳥呼風邊上云。髮間相似雪。峰外

寂寥烟

薛映送入知鄂州云黃鶴晨霞旁樓起。陀頭秋遠碑荒。
吳儂送朱致政云洛殿夜涼初閣筆。渚宮歲晚得懸車。
劉師道寄別云南浦未傷春。州碧此山乃愧曉猿驚。與張
必云久師金馬客。勅敵玉溪生。荷花云有路斯奔月。無
媒與嫁春。殘花云金谷路塵埋。國艷武陵溪水泛。天香
寄陳龍圖云晨瞻北斗天。何遠夢斷南柯日。未沉歎世
云野馬飛窓日。醯雞舞甕天。春雪云青帝翠華沉。物外
素娥孀影吊雲端。咏雪云三千世界銀成色。十二樓臺
玉作層。湘中云逝波帝子魂何在。夢州王孫怨未歸。
李宗諤春郊云一溪曉綠浮鷓鴣。萬樹春紅叫杜鵑。贈蘇
承旨云金鑾後記人。爭寫玉署新碑帝自書。

李建中送人云山程投館聞鴻夜。水國還家欲雪天。
李維渚官亭云故宮芳草在。往事暮江流。朱致政云清朝
納祿猶狂健。白首還家正太平。和人贈馬太保云轉盼
迴。嵩電分髯磔。頰毛寄洪湛云。謫去賈生身健否。秋來
潘岳髮斑無。

姚鉉錢塘郡云踈鍾天竺曉。一鴈海門秋。

陳堯佐潮州召還云君恩來萬里。客路出千山。送种放云
供帳開天苑。傳呼度國門。送人越州云風樵若耶路。霜
橘洞庭秋。送朱荊南云部吏百函通。爵里從兵千騎屬。
韃索。

錢熙送人金陵拜掃有云鶴歸已改新城郭。牛卧重尋舊
寺話。卷之十一

墓田。

丁謂和錢易曰。珊瑚新筆架。雲母舊屏風。送章安南云。梅花過嶺路。桃葉渡江船。送章明州云。泣珠泉客通關市。種玉仙翁寄版圖。送陳荆南云。楚子夢雲鈴閣密。郢人歌雪射堂開。

錢易畫景云。雙峰上簾額。獨鵲裏庭柯。芭蕉云。綠音對事。緘初啓。青鳳求凰尾乍開。

梅詢陰陵云。千里漢園合。一夜楚歌聲。

李拱春題村舍云。大眠花影地。牛牧雨聲波。

蘇爲送劉端州云。夜浪珠還浦。春泥象印蹤。

朱巖贈徐常侍云。寓直有誰同。騎省立班獨自戴貂冠。

陳越侍宴云。十鍾人既醉。九奏鳳來儀。與劉慘云。莫京城

下酌不廢洛中吟。送李秦州云。擁路東方騎。懸腰左顧龜。

王曾送李駙馬拜陵云。人畏軒臺久。春歸雨澤多。

李堪哭韓黎州云。桐鄉留語葬銘路。在生悲送周建州云。

海月隨帆落。溪花遶驛流。送人行云。雷風有約青蚪起。

霜露無情紫蕙枯。退居云。雨密絲桐潤。潮平釣石沉。

陳詒閑居云。籠雞對窓語。羅雀繞門飛。

呂夷簡早春云。梅無驛使飄零盡。草怨王孫取次生。九日

呈梅集仙人云。人歸北闕知何日。菊映東籬似去年。寒

食云。人爲子推初禁火。袍愁青女再飛霜。

宋綬送人知江陵云。竒才劍客當前隊。麗賦騷人託後車。

送人知洪州云江涵帝子翬飛閣山際真君鶴馭天送
周賢良云楚澤傷春怨鷓鴣長安索米愧侏儒

趙復送晏集賢南歸云船官風破浪關吏鼓通晨
晏元獻與張臨川云籬邊菊秀先生醉桑下雛嬌稚子仁

又云東陽詩骨瘦南浦別魂銷送章明州云騷客登山
知有助秦源雞犬更相聞送人知洪州云干斗氣沉龍

已化置芻人去榻猶懸並同前

江任送人云珠盤臨路斗印入鄉提玉堂詩話

焦宗右送人遊蜀云芳樹高低啼蜀魄朝雲濃淡極巴天

贈周賢良云南陽客自稱龍節東魯人應歎鳳衰

林逋湖山云片月通蘿徑幽雲在石牀

周啓明近臣疾愈云一丸童子藥五返使人車送皇甫提

刑云鴟夷江上畚田稔牛斗星邊貫索空

錢惟熙太一宮醮云林下焚香連宿霧林間鳴珮起棲鸞

從駕西巡云曉陌壺漿滿春風騎吹長故主第云鳳簫

通碧漢星斗辯靈源

錢昭度村居云黃蜂衙退海潮上白蟻戰酣山雨來大寒

云雨被北風吹作雪水愁東海亦成冰金陵云西北高

樓在東南王氣銷梅花云東北風吹大庾嶺西南日映

小寒天鴈云三年別館風吹入萬里長沙月照來秋遊

華山云人間路到三峰盡天下秋隨一葉來

南鄭殿丞云青鳥幾傳王母信白鷺曾換右軍書將至京

云近闕已瞻龍虎氣思鄉猶望斗牛星。

楊黎州赦至云山川百蠻國雨露九天書寄遠云胡越自為迢遞國參商元是別離星自遣云天上羲輪都易識人間堯曆自難逢哭儲屯田云部中車雨春無潤天上星即夜損光感悟云頓纓狂走鹿吐沫倦遊鱗心知云遠別苦驚雲聚散相逢多悟月盈虧自咏云剛腸欺竹葉衰髮怯蘆花淚云一斑早寄湘川竹萬點空遺峴首碑竹簟云若非琥珀休為枕不是琉璃莫作屏春書云人歸漢后黃金屋燕在盧家白玉堂並同前

牧之寄人云世味嫌為枳時光然落冥閒居云歌懷飯牛起書憤抱麟成蟬云三子白不食三問何獨清登樓云

遠水淨林色微雲生夕陽塵云已傷花榻滿休妬畫屏飛談並

西洛古都荒臺廢洛清迹依然見於詩多矣惟錢文僖公一聯最為警策云日上故陵烟漠漠春歸空苑水潺潺裴晉公綠野堂在午橋南往時屬張相齊賢家罷相歸終日與客宴其間惟鄭文寶工部一聯為警絕云水暖魚鷺行浦子溪深桃李即開花人謂不減王維杜甫錢詩好句尤多而鄭句不惟當時人莫及雖其集中若及此者亦少歐公詩話

增修詩話總龜卷之十三

警句門中

楊文公云錢惟演劉筠首變詩格學者慕之得其格者蔚
 為佳句二公麗語頗多如惟演奉使塗中云雪意未成
 雲着地秋聲不斷鴈連天又云客亭厭見名長短村酒
 那能辯聖賢送僧遊楚云宿舍孤烟起行李夢兩涼張
 弁州詩云戈矛巡霧文鏡鼓安蕭晨章憺雨詩云平檻
 曉波吳榜渡遶城春樹越禽飛章南安云離人南浦多
 春艸越鳥棲枝有早梅劉潭州云坐激鮮颺湘竹曉樹
 含涼雨越禽歸李大僕北使云漢熾隨移帳燕鴻半解
 鞍何袁州云踈鐘靜起軍城晚華表雙高水國秋陳江

陵云深沉蛛網通歸憂紫翠春山接去舟太乙宮云神
庭古相啼鳥起齋室虛簾宿霧通送人云思滿離亭酒
魂驚客舍烏高泉州云東南地迥有烽息西北樓高晚
望迷章分寧云小雨郊原連苦霧又陽樓閣照丹楓東
封應制云羽毛襄野駕宴喜曾郊民送予知處州云輕
飈使車遠明月直廬空張僕射判河陽云綠野桑麻連
四水黃堂歌吹擁千兵孫永興云魚尾故宮迷艸樹龍
鱗平隄自風烟漢武云立候東溟邀鶴駕窮兵西極待
龍媒公子云歌番南國桃根曲馬過章臺杏葉鞦韆花
云欲作飛烟散猶憐及照遲荷花云泪有鮫人見魂須
宋玉招禁中鶴云天淵風雨多秋思遼海烟波久舊期

留題云有時盤馬看尤懶盡日投壺笑朱迴又云春瘦
已寬連理帶夜長誰有辟寒金元夜云九枝火樹連金
狄萬里霜輪上璧璫馬延州云沃野桑麻涵細雨嚴城
鼓角送斜陽劉筠直禁中云雨勢宮城闊秋聲禁樹多
陝州從事云角迥含秋氣橋長斷洛塵周賢良云崎嶇
一乘傳憔悴五羊皮南鄭云渝舞氣豪傳漢俗丙魚味
美敵吳鄉李太白云惟月卿曹重占星使者賢送僧云
捲衲城鐘斷搯筇岳雨寒僧惠崇云醉令難同社仙鷺
肯換書葉金華云柔桑蔽野鳴雛雉高柳含風變早蟬
劉潭州云坐席久虛温樹老心旌無柰楚風長又云沙
禽兩兩穿鈴閣艸艸依依接射堂九隴云溪殘未破冰

生硯爐酒新燒雪滿天又周賢良云春風亂鶯轉夕霧
一鴻冥張嶺南云山月~~初~~獐子風濤怒鱷魚西巡云龍
駕昌明御天旗太乙神張婺神云大野幾星分婺女清
風萬古感顏烏章南安云嶺雲夏變梅蒸早越雨秋藏
桂蠹多西京首坐云滎河帶繞中天閣空樂星懸大士
居題雪云劉伶醉席梅花地海客仙槎粉水天利州轉
運云鷓鴣蹲野芋誰為尹雲積泉鹽久置官章分寧云鶴
伴鳴琴公事晚烏鷺調角戍城秋楊處州云朱飾兩番
巡屬邑案留雙筆在中臺閣云三壤月臨承露掌九鷗
烏繞守宮槐又云酒供硯滴濡毫冷火守更籌沃漏長
雪月云已回鄰面三年粉又結寒絲幾許冰汾陽道中

云鼓音記里繩~~叫~~遠舞節鳴鸞至步隨相洪州云桃葉
橫波人共醉劍~~出~~衝斗嶽常空李秦州云右城獨登
嶺密前旌雙抗~~出~~雲高劉潭州云洛田荒二頃楚浪漲
三篙槿花云吳宮何薄命楚臺不終朝宮詞云難消守
宮血易斷舞鸞~~出~~物又云虹跨層臺晚螢飛夏死涼夏日
云雲容倏變千峰險草色相沿百帶長新蟬云翼薄乍
舒宮女髮蛇輕全解羽人凡公子云行庖爨蠟彫胡熟
永埒鋪金血汗驕明皇云梨園法部兼胡部玉輦長亭
更短亭荷花云湔裙無限水障袂幾多風留題云荷
出水終無定蘿葛~~又~~從風莫自持又云藻井風高蛛壞網
杏園春暖燕爭泥味梨云先時櫻熟煩羊酪遠信梅酸

損瓠犀洞云云密鎖香風深處戶亂飄梨雪曉來天贈

希畫云吟餘雲散葉坐久塵遺毛夕陽云塞迥橫垣紫

江清照葉丹園中云龍禽思隴樹洞犬識秦人柳絮云

平沙千里經春雪廣陌三條盡日高屬疾云風簾鳴

笑厨烟絕月樹烏驚藥杵喧燈夕云金徒抱箭壺水

玉宇風來蒲初莫禁中云萬年宮省樹五色帝家禽

晚唐詩句尚切對然氣韻甚卑鄭榮山居云童子病歸去

鹿麕寒入來自謂銖兩輕重不差有人作梅花云強半

瘦因前夜雪數枝愁向曉來天對屬雖偏亦有佳處

李廷老家有李揆與饒州刺史封漸仲容叔霽聯句揆筆

力適勁詩亦大佳略云光踐蓬瀛閣卧病淮海濱偶逢

鄱陽守宛是鄱陽人又云共仰新侯伯同瞻舊宰臣又

云鄉路轉思北客林巷喜朝

王爽字李明王孝伯問曰古詩中何句為最佳爽未對孝

伯曰所遇無故物安得不速老此為佳

揚巨濟詩曰爐烟添柳重官漏出花遲帶田以下句為試舉

人詩題濟本作源

晏元獻稱國初待詔云醉輕浮世事老之里故鄉人張安道

亦稱紅塵三尺險中有是非波

晏臨淄宴集詩最多有一聯云春風任化落流水放杯行

惠崇遊長安云人遊曲江少草入未央深不減馬放降來

地鷗盤戰後雲

景祐三年後苑生雙竹宣宰相從臣賦詩知制誥李絢有詩云日迴龍並影風過鳳聯聲衆皆賞之前並詩史

嘗和杜祁公致仕詩云收得桑榆歸物外種成桃李滿人間亦佳雲齋廣錄

李元膺遊春詩云夾道桃花三月暮馬蹄無處避殘紅其標致如此

陳臺杜默預東平郡宴太守請賦海棠詩默云倚風莫怨唐工部後裔寧知不解詩坐客歎服詩史

臧謀梅花詩云綠楊解語應相笑濕洩春光却是誰人皆誦之

淇川人楊萬畢字通一作聞梧桐左右雨詩云千里暮雲山已黑一燈孤館酒初醒素實之意盡於此

華州華陰縣宰許弋於縣解開一軒名曰增明取韓文公遙岑出寸碧遠目增雙明之意羽客姚太虛謁許公因書云遙岑寸碧尚增明何況雲峰三十六

楊茂緝詩云河勢崐崙遠山形函首秋誠佳

錢昭度燈詩云繡被夢驚中酒處朱門人語上朝時未若船中聞鴈洞庭夜宋下有垂長信秋意格清遠

昭度又有聞角詩云風欲拋高兩壓沉黃昏前後五更深議者云此亦句之優者

王文穆罷相帥朝士皆有詩陳從易詩最佳云千重浪裏平安過百尺竿頭穩下來

景祐末吳叛夏鄭公守長安梅聖俞送詩云亞夫金鼓從
天落韓信旌旗背水陳鄭公獨刺此詩于石

范景仁喜為詩年六十三致仕一朝思鄉里遂輕行入蜀
故人李才元知梓州枉道過之歸至成都日與鄉人樂

飲散財於親舊之貧者遂遊峨嵋青城下巫峽出荆門
歲暮乃還京師在道作詩二百五篇有云不學鄉人誇

駟馬未饒吾祖泛扁舟此一二事他人所不能用也
范希文於江上見一漁父意其有德隱者也問姓名不對

但留一絕云十年江上無人問。兩手今朝一度叉。昔前
閩嶺孟賈為性踈野不以名宦為意喜篇章大諫楊徽之

稱之如寄張山人艸堂云掃葉林風後拾薪山雨前
韓襄客者漢南女子為歌詩知名襄漢間孟浩然贈詩曰

只為陽臺夢裏狂降來教作神仙客襄客閨怨詩曰連
理枝前同設誓。香樹下共論心先公熙寧中逐虜使

成堯錫見遺衣服刺此聯於裹肚上其下復刺丁香連
理男女設誓之狀虜人重此句為佳製詩史

開元中將軍宋清有神劍後為瓜州牧李廣琛所得哥舒
翰求之廣琛不與贈詩曰刻舟尋已化彈鋏示恩酬

廬阜人陳沉立性僻野不接俗士黃損熊皎虛中師事之
寒食後云罷却兒女戲放他花木生閑居云掃地雪粘

筓耕山鳥怕牛題水云點入早雲千國仰力浮塵世一
毫輕齊已贈沉云四海方磨劍深山自讀書益雅言雜載

張觀性沉靜未嘗艸書自詠曰保心如止水為行見真書
以為看題 桂苑雜錄

太上隱者人莫知其本末好事者從問其姓名不答留詩
一絕云偶來松樹下高枕石頭眠山中無曆日寒盡不
知年 古今詩話

宋之問貶黜放還至江南遊靈隱寺夜月極明長廊行吟
曰鷲嶺巒巒岩堯龍宮隱寂寥未得下聯有老僧燭燈坐
禪問曰少年不寐而吟諷甚苦何耶之問曰欲題此寺
而思不屬僧曰試吟上聯之問誦之曰何不道樓觀滄
海日門對浙江潮之問終篇曰桂子月中落天香雲外
飄捫蘿登塔遠刻木取泉遙雲薄霜初下水輕葉未

凋待入天台寺者余渡石橋僧一聯乃篇中警策也遲
明訪之已不見寺僧曰此駱賓王也

張俞成都人蜀以賢良稱之有詩行于世題武侯廟云高
光如有嗣吳魏豈勝誅又題御愛山云可勝亡國恨猶
有愛山心題洞庭湖云萬頃碧波看不盡 王于孤岫望
中明皆佳

劉禹錫得有獨吟曰巴人淚逐猿聲落蜀客舟從鳥道來
姚合道旁亭子詩云南陌遊人回首去東林道者杖藜歸
不言亭亦佳

王摩詰酷好畫山水其畫山從聳谷邃雲浮水飛意出塵外
嘗自題云宿世吟詩客前身應畫師李璟定為妙品上

上同前

李益詩名有著征人早行篇好事者盡為面障如回鴈峰
前沙似雪受降城下月如霜天下歌之

胡擢詩善狀花木鳥獸飄然有物外意嘗謂人曰吾思苦
於三峽聞猿吟曰甕中每醞道遙樂筆下閒偷造化三

唐南蠻侵軼西川僖宗幸蜀慮為患以女下降蠻喜其姻

聯大國遣宰相趙降眉楊竒鯤段義宗來朝行在高駢

自淮海飛章云南蠻心替唯此數人請留異待之迄僖

宗還京無虞用駢計也楊道葦各有詞藻途中云風裏

浪花吹更白雨中山色洗還青海鷗聚處窓前見林狖

啼時枕上聽

自唐以來試進士詩號省題時有佳句如梓州進士楊諤

天聖八年省試蒲車詩云草木驚皇轍山護帝輿是

歲下第景祐元年省試宣室受釐詩云願前人主席一

問洛陽人是歲及第未幾慶曆二年韓欽試勳門賜戟

詩云凝鋒書翻轉交鏃采文繁范景仁曾見真本云迎

鋒書翻轉映日采文繁姑兩存之蘇州進士王偃試邇

英延講藝詩云白虎前茅掩金華舊事輕天心非不悟

垂意在蒼生有古諷諫意是年奏名甚高御前下第二

十年始第尋卒滕元發皇佑五年御試吹律聽軍聲詩

云萬國休兵外群生奏凱中又作西旅來王詩云寒日

邊聲斷春風塞草長傳聞漢都護歸奉萬年觴極為場

屋所稱揚詩有題驪山云行人問宮殿耕者得珠璣
孟蜀王時花蓋夫人能詩而世不傳王平甫於館中得七
言三十餘篇大約似王建詩云厨船進食簇時新列座
無非侍從臣日午殿頭宣索鱠隔花催喚打魚人又月
頭分給買花錢滿殿宮娥盡十千遇着唱名多不語含
羞急過御床前並同前

楊文公在館閣時占城進獅子例進詩文公云渡海鯨波
息登山豹霧清雜說

章獻太后挽辭數百首唯石曼卿一聯首出口震出坤柔
變乾成太極虛太后稱制日久仁宗端拱至是始親萬
機曼卿詩切合時宜又不卑長樂也古今詩話

嘉祐中劉諷都官簡州人方年六十二致仕夫婦徙居賴
山謝景山有詩送云移家尚恐青山遠隱几唯知白日
長宋公綽詩云諫州焚來應見史橐金散盡只留書

潘天錫員外與沈郎中宅相隣同遊古觀分題天錫云風
便磬聲遠日斜樓影長沈彬云松欹晚影離壇州鍾撼
秋聲入殿風郡閣雅談

唐宣宗重陽賜群臣宴詩曰款塞旋征騎和戎委廟賢傾
心方倚注協力共安邊魏暮應制云四方無事去神豫
杪秋來八月寒光動千山霽色開宣宗嘉之南郡新書
魏野咏木云千林啄如盡一腹餒何妨有詩入規戒之風
閒居云妻喜栽花活童誇鬪州贏得野人趣非急務故

也。又云燒葉爐中無宿火。讀書窓下有殘燈。有熈燒葉
貧寒太甚。敗葉為藥。不惟壞此一句。并下句亦減氣味。
所謂求益反損也。贈司馬君實云。文雖如古道。貌不似
貧家。公監安豐酒稅。赴官有行色。贈云。冷於陂水淡於
秋。遠陌初窮見渡頭。猶賴丹青不能畫。畫成應遣一生
愁。非狀難寫之景乎。

寇萊公年十九進士及第。知東也縣。詩云。野水無人渡。孤
舟盡日橫。又為江南春詩云。波渺渺。柳依依。孤村芳艸
遠。斜日杏花飛。江南春盡離腸斷。蘋滿汀洲人未歸。膾
炙人口。古今詩話。

李長吉歌云。天若有情天亦老。以為奇。惟無對。石曼卿云。

月如無恨月長圓。

九華山人熊皎能詩。早行云。山前猶見月。陌上未逢人。山
居云。果熟秋先落。禽寒夜未棲。閒居云。深逢野艸皆為
藥。靜見樵人恐是仙。又云。厭聽啼鳥夢。醒后慵掃落花
春盡時。雅言雜載。

李範關中人。善章句。為道傍木云。雖當南北路。不碍往來
人。經王山人舊居云。鶴歸秋漢遠。人去草堂空。秋日江
干遠。望云。清損啼遠木。白鳥下前灘。暮秋懷故人云。天
涯故友無來信。窓外拒霜空落花。江寺閒書云。釣叟無
機。沙鳥睡禪師入定。白牛閒。同前。

丁晉公任朱崖。有詩數十篇。號知命集。有曰。草解忘憂憂。

言詩餘卷之十三
底事花名含笑笑何人古今詩話

陸子履言懷云薄有田園歸去好苦無官况莫來休士君子莫不賞味其意青瑣集

湘南詩僧文喜為失鶴詩云一向亂雲尋不得幾番臨水待歸來上潭州劉相大稱許

河外僧清晤春日即事云宿鳥歸花影潮魚沒浪痕郊外晚菊云疊浪支層漢殘陽補斷霞上質侍中遂褒稱

范攄有子七歲能詩夏景云閒雲生不雨病葉落非秋方干曰必不享壽未十歲而終

劉昭禹字休明婺州人為詩刻苦不懼風雨有云何向夜深得心從天外歸言不虛耳並同前

廖凝字熙績十歲詠棋詩云滿汀鷗不散一局黑全輸作者見之曰必垂名於後郡閣雅談

裴說裴諧俱有詩名說官至補闕諧終於桂嶺假官宰自作湘江吟說詩云吟餘潮入浦坐久燒移山諧詩云風回山火斷潮落岸水高經杜甫墳說云擬掘孤墳破重

教大雅生諧曰名終理不得骨且朽何妨景同而語意俱別

呂文穆公未第時嘗遊一縣忘其縣名胡大監旦方隨其父宰是邑遇呂甚薄客有譽曰工於詩宜少加禮胡問

其譽曰客舉一篇卒章云挑盡寒燈夢不成胡笑曰乃一渴睡漢其呂恨而去明年省中甲科因人寄語胡曰

言詩餘卷之十三

言詩集卷之十三
十一
二
渴馳漢狀元及第胡荅曰待我明年第二人及第輸君
一籌既而次榜亦中首選歐公詩話

許致殿丞及第後忽心恙為詩亂題房壁云有漏難求佛
無機好學禪又江上對月云江使不來秋練淨凡娥長
在夜珠寒

詩話總龜卷之十三

增修詩話總龜卷之十四

警奇明

石曼卿以詩酒豪爽得名嘗獨行京師倏有豪士揖曼卿
語已而曰公幸過我家曼卿語諾豪士顧騎載曼卿
同行入委巷前抵大第三四門乃至內堂庭戶宏麗施
設錦繡侍女珠翠延飲求曼卿書字曼卿寫已書其詩
筆筆驛等數篇豪士甚珍愛之贈曼卿金帛可直數十
百千使從騎送歸初不知其誰何後日尋迷不省所居
閭里人不能知他日復遇之塗又以金數十兩贈曼卿
云筆驛詩意中流水遠愁外舊山青最佳

歐陽詹乾德中獻野史受黃崗宰有詩行於世聞猿云啼

猿非有恨。行客自多悲。聞笛云不知吹者意。何似聽人
心。卧屏云。橫琴遮遠洞。舉手出高峰。公字蘆云。漁家合
得兩三蒸。公退徐吟。思倍清。官滿不將歸。舊隱蕭蕭留
與後人聽。雅言雜載

縲島雲步從浮屠。詩尚竒險如拋芥。子降顛佛佛。折揚枝
灑醜猩猩。賣出前輩。據言

湖南日試萬言。王璘與字群。玉校書相遇於岳麓寺。群玉

揖之曰。公何許人。曰。試萬言。群玉曰。與公聯句可

乎。璘曰。惟子之命。群玉破題授之曰。芍藥花開菩薩面。

璘繼之曰。樓閣葉散夜叉頭。

東坡云。見子邁幼嘗作。杯榜詩云。熟果無風時自脫。半窓

迎日聞生紅。於等輩中亦踈有思致者。今已老無他技。

但時出私。句作酸棗。尉有詩云。葉隨流水歸何處。牛載

寒鷓過。列村。百斛明珠

眉山矮道士。李伯祥好為詩格。亦不能高。往往有竒語。如

夜過脩仁寺。醉打老僧門。皆可愛。予幼時學於道士張

易簡觀。下伯祥與易簡往來。嘗歎曰。此即君貴人也不

知何以知之。同前

狄煥南岳石樓。曉望云。數點當秋霽。不知何處峰。題岳路

松云一嶂。雨聲歸洞壑。兩條翠色下瀟湘。雅言系述

曾弼長沙人。依逸人王元為詩友。宿玉泉寺云。山偷半庭

月。池印一天星。君山云。翠壓魚龍窟。寒堆波浪心。

詩話續編卷之十四
蔣鈞字不器比洛道人與劉洞陳甫為詩友寄柳宣云因借
夢書過山寺學耕秋采繞山原戎昱詩有一夜不眠孤
客耳主人門外有芭蕉鈞代答云芭蕉葉上無愁雨自
是多情聽斷腸

史虛曰嵩終人廖凝寄之詩曰飯僧春嶺巖醒酒雪潭魚
終於益沛

林楚才賀州富川人贈致仕黃損詩云身閒不恨辭官早
詩好常甘得句遲

陳甫字惟立吉水人贈黃岩云清時不作登龍客綠髮閒
梳傍草山潭江感懷云一雨洗殘暑萬家生早涼村居
云暮鳥鳴知巢急寒牛下隴遲詩云筭吟千百首方得兩

三聯

高元矩宣城人贈宣城宰云硯貯寒泉碧庭堆敗葉紅贈
徐學士云鸞鳥掠琴絃穿靜院吏收詩草下閒庭

楊鳧字鳥之閩人山中即事云昔日流泉生凍早逆風歸
鳥入巢遲

李平關右人讀武帝內傳云龍髯已斷嬪媼老豹尾不來
岐路長開首云三人無夢夢不到天道惡盈盈有餘

曹松益陽人赴衡山尋仙觀云千年松引東陵鶴三級芝
田草木香贈陳先生云讀太元經秋醮罷註參同契夜
燈微經羅大夫故居云鹿眠荒圃寒蕪白鷓噪殘陽敗
葉飛

言言終...
祕館以上巳日會西池王仲至有二詩張文潛知之最工
云翠浪有聲黃帽動春風無力綵旗垂秦少游云簾幙
千家錦繡垂仲至笑曰此語又待入小石調也少游有
煩逸少書陳迹更屬相如賦上林之句諸人亦為難及
山谷曰余作兩句云清鑑風流歸賀八飛揚跋扈付朱三
未知可贈誰不能成章王直方詩話

有以長韻詩上王仲至其一聯云狗監傳新賦雞林購近
詩屬對頗工而終篇無若此者言辭鄙陋幾可絕倒豈
所謂寸有所長耶

舒王和入歌曲有暖字韻一篇余清老云更有一篇只記
一句云夕陽到處花偏暖及嘗代一小兒賦花糕詩一

絕恨不得見

荆公叔金陵嘗指壁上所題兩句云一水車一云田將綠
遶兩山排闥送青來

張堉字叔和謂余曰頃一日到洛中謁潞公方飯後坐於
一亭亭邊皆蘭旣見不交一談對坐幾時公方曰香來
也叔和以為平生所未聞潞公云凡香嗅之則不佳須
待其因風自至余始悟山谷詩云披拂不盈懷時有暗
香度。

韓持國有云青烟人家綠野山四合當時無不傳誦
東坡云參寥善絕句有云隔林彷彿聞機杼知有人家在
翠微每為人誦後來黃州相聚半年京師故人以書札

遺曰知有僧在彼非隔林彷彿聞機杼和尚耶僕謂參寥曰此吾師七字師號也

梅聖俞在禮部考校時和歐陽文忠公春雪詩云有夢皆蝴蝶逢袍只紵麻用事如此乃可貴

余愛張文潛過宋都詩云白頭青髮有存沿落日斷霞無古今不減老杜

山谷有光山道中雪詩云山銜斗柄三星沒雪共月明千里寒都尉王晉卿足成鷓鴣天云才子陰風度遠關清

愁曾向畫圖看山銜斗柄三星沒雪共月明千里寒新路陌舊江干崎嶇誰歎客程難臨風更聽一笛華笳軟軟

梅花滿地殘

舒玉與吳彥律云含風鳴綠鱗鱗起弄日鴛黃裏泉垂

自云此幾凌轡造物

張文潛謂余曰黃九云桃李春風一盃酒江湖夜雨十年

燈真奇語並同前

詩云千山送客東西路一樹照人南北枝王康功推官作

牛丞相奇章公初為詩矜奇特語至有地瘦草叢短句明年秋卷成呈之曰有求色必報憑酒竟乃伸益加能矣

明年乃上第由曰楊茂卿云河勢崢嶸遠山形蓋落秋此過華陰山下作初用蓮峰作蓋落於當而暗盡矣

劉禹錫佳話錄

蜀王建時楊義方能文詞為春日詩云海邊紅日半離水

天外暖風輕到花。贈王樞密云兩聲鞭自禁門出一簇

人從天上來。異聞錄

唐求劉邠伯有詩名。唐求臨池洗硯詩云恰似有龍深處
卧。被人驚起黑雲生。又漸寒沙上路欲暝水邊村。早行

云沙上鳥猶睡。渡頭人已行。詩思不出二百里間。劉邠
伯為范鄭郎中詩友。范得句云歲盡天涯雨。久而難對

劉邠伯曰人生分外愁。范賞之。然老工。新津之東渡非
隱非吏。二子亦可凌厲名場而死丘樊。所謂蜀人無志

懷土正此也。北漢瑣言

余問山谷今之詩人誰為冠。曰陳無已其佳句可得聞乎。
曰吾見其作温公挽辭一聯便知其才不可敵。曰政雖

隨日化身已要人扶。

盛次仲孔平仲同在館中。雪夜論詩。平仲曰當作不經人

道語。曰斜拖闕角龍千尺。澹林墮睡宵半稜。次仲曰甚

佳。其未大乃曰看來天地不知夜。飛入園林總是春。平

仲乃服。並同前

舒王嘗寄蔣山元禪師詩曰不與物違真道廣。每隨緣起

自禪深。冷齋夜話

唱和門

熙寧間初作東西府望氣者云有天子氣及府成車駕果

幸張揆以詩慶二府諸公。荆公和云。百留上主經過迹

更費高人賦詠才。倦游錄

唐路德延有孩兒詩五十首傳於世侍立外張公師錫次韻
成老兒詩曰鬢髮盡皤然眉分白雪點週迴延客話偃
僂抱孫憐無病常供粥非寒亦衣綿但溫衾擁背借力
杖搯肩貌比三峰老年過四皓仙喚方離枕上扶始到
門前每愛烹山茗嘗嫌打石蓮耳聾塞續眼暗似籠
烟宴坐羸扶几乘騎困鞞鞭頭搖如轉旋唇動若抽牽
骨冷愁離犬牙疼怯漱泉形骸將就木囊橐尚貪錢
膠睫乾眵綴粘髭冷涕懸披裘腰瀨股濯手袖慵搯抬
舉衣頻換扶持藥屢煎坐多茵易破行少履難穿喜婢
裁裙布嗔妻買粉鈿房教深下幕床沿厚鋪毡琴聽憐
三樂圖張笑七賢看經嫌字小敲磬喜聲圓食罷藥

流袂盃餘酒帶涎樂來須遣罷醫到久相延裹帽縱橫
掠梳頭取次纏長吁思往事多感聽哀絃氣注腰還重
風牽口更偏墓松先遣種誌石預令鐫客到唯求藥僧
來忽問禪養茶懸土甕曝文晒簷椽怒僕空睜眼嗔童
謾捏拳心驚嫌踉蹌脚軟怕鞦韆局縮同寒狄摧逐似
餓鷄觀瞻多目眩舉動即頭旋女嫁求紅燭男婚乞彩
牋已聞頰几杖寧更佩韋弦賓客身非與兒孫事已傳
養和屏作伴如意佛相連久矣登山屐惟存負郭田呻
吟朝不樂展轉夜無眠呼稚臨床伴看書就枕邊冷懷
疑貯水虛耳訝聞蟬束帛非無分安車信有緣伏生甘
坐末絳老讓行先拘急將風夜昏沉欲雨天雞皮塵旋

言言集卷之十四
潰見齒食頻填每憶居卽省常思釣渭川喜逢迎佛會
羞赴賞花筵徑遠令移檻塔危索減補好生焚鳥網惡
殺杜魚船旣感桑榆日常嗟蒲柳年已思當弱冠悔不
賸狂顛青箱雜記

牛僧孺將赴舉時投贄於劉夢得對客展讀飛筆凌雲其
文居三十年夢得守汝牛出鎮漢南道汝水雕旌信
宿酒酣贈詩於夢得曰粉飾爲郎二春向來名輩更
無人休論世上升沈事且問尊前見在身珠玉會應成
咳唾山川猶覺露精神莫嫌恃酒輕言語曾把文章謁
後塵夢得方悟往年改文卷之事和答云昔年曾忝漢
朝臣晚歲空餘老病身初見相如成賦日後爲丞相倚

門人追思往事咨嗟以幸喜清風語笑頻猶有當時舊
冠劍待公三日拂埃塵古今詩話

長慶二年錢起自中書舍人知舉放進士周墀及第後同
在翰林會昌三年起自僕射再放榜時周墀任華州因
寄詩賀叙同在翰林日文場三化魯儒生二十餘年振
重名曾忝木雞誇羽翼又陪金馬入蓬瀛雖欣月桂居
先折更羨春蘭最後榮欲到龍門看風水關防不許暫
離營晏曰貢院離來二十霜誰知更忝主文場楊葉縱
能穿舊的桂枝何必授清香九重每憶同仙禁六藝初
吟得夜光莫道相如不相見蓮峰之下有龍黃人以為
絕唱廣卓異記

言言集卷之十四
韋中憲蟾廉問鄂州春日除祖筵上題文選兩句云悲
莫悲兮生別離登山臨水送將歸以毫牋投賓從請續
其句坐中悵望皆不屬有酒妓泣然曰某不知欲口占
兩句乃曰武昌無限新開柳不見楊花撲面飛坐客嘉
歎韋有贈龔僧詩云岿嶺東西烟靄合兩間茅屋一溪
雲僧云師童誰解知師意人非不欲聞雅言雜載
曹相確鎮浙西日會湖中郡判官王樞舉進士嚴憚詩曰
春光冉冉歸何處更向花前把一盃盡日問花花不語
為誰零落為誰開玉柳其才調和曰花落花開人世夢
衰榮閒事且持盃春風底事輕搖落何事從來不要開
同前

龔穎自負文學少許可又談論多所折難知鼎州士罕造
其門獨丁晉公贄文求見穎倒屣迎迓酌對終日至于
忘食曰自唐韓柳後今得子矣翌日丁獻詩於穎穎次
韻和酬曰膽怯何由戴鐵冠只緣昭代獎孤寒曲肱未
遂遠前志直指無聞是曠官三諫每傳朝客說五溪閒
僥郡樓看祝公早得文場雋况值天塔正舞干青瑣雜記
注西韋丹大夫與僧靈徹為忘形之契寄徹詩云王事紛
紛無暇日浮生冉冉只如雲已為平子歸休計五老峰
前必共論徹酌曰年老身閑無外事麻衣草坐只容身
相逢盡道休官去林下何曾見一人雲溪友議
白中令鎮荆南杜蘊常侍問長沙諸從事盧發致聘焉發

酒酣傲睨公少不懌因改著詞令曰十姓胡中第六胡
也魯金闕掌洪爐少年從事誇門地莫向尊前喜氣粗
盧荅曰十姓胡中第六胡文章官職勝崔盧暫來關外
分優寄不稱賓筵語氣粗公極歡據言

梅聖俞客歐陽晦天使二畫茅庵已居其中一琴橫牀而
已曹子方作詩四韻僕和云寂寞王子猷迴船剡溪路
超遙戴安道月夕誰與度倒披玉羔氈半掩袁安戶應
調折弦琴自和撚鬚頰句百斛明珠

東坡云余在廣陵與晁無咎曼卿道人同舟送客山光寺
客去余醉卧舟中秀作詩云扁舟乘興到山光古寺臨
流勝氣藏慚愧南風知我意吹將艸木作天香予和云

開裏清遊似隙光醉時真境發天藏夢回拾得吹來句
十里南風草木香余昔對文忠公誦文與可詩云美人
却扇坐羞落庭下花公曰此非與可詩世間元有此句
與可拾得耳後五年秀來惠州見予偶道其事直方詩話

鄧洵美連山人乾祐二年中進士策與司空昉少保傳同
年謁劉氏不禮歸武陵時周氏有其地且辟在幕府未
幾司空氏自禁林出使武陵與洵美相遇贈詩曰憶昔
詞場共着鞭當時鶯谷喜同遷關河契闊三千里音信
稀踈二十年君遇已知依玉帳我無才藻步花磚時情
人事堪惆悵天外相逢一泫然洵美和云詞場幾度讓
長鞭又向清朝賀九遷品秩雖然殊此日歲寒終不改

當年馳名早已超三院待直仍忻步八埒今日相逢番
自愧閑吟對酒倍潛然相國歸闕率偕載而辭以疾不
行相國語同年少保公公時在黃閣洵美在武陵又爲
詩寄之云衡陽歸鴈別重湖嚙到同人一紙書忽見姓
名雙淚落不知消息十年餘綵衣我已登黃閣白社君
猶葺舊居南望荆門千里外暮雲重疊滿晴虛周氏疑
洵美漏洩密謀急追捕易俗場官而遇害建隆初王師
下湖湘相國復收衡陽道經易俗場作詩弔曰十年衣
染帝鄉塵踪跡仍傳活計高撥拄杖曾遂志假拖藍
綬至終身侯門寂寞非知己澤國洒惶似旅人今已向
公墳畔過不勝懷抱暗酸辛雅言系述

山谷云金華俞清老名子中三十年前與予共學於淮南
元豐甲子相見於廣陵自云荆公公使使之脫縫掖着僧
伽藜奉香火於半山宅寺所謂報恩禪院者予之僧名
紫琳字清老無妻之累去作半山道人似為不難事然
生龜脫筒亦難堪忍後數年見之冠而冠自若因嘗戲和
清老詩曰索索葉似兩月寒逸夜如東馬嘶車鳴鐸群動
不遑安有人夢超俗去髮脫儒冠平明視清鏡政爾良
獨難子瞻屢哦此詩以為妙詩話

乾祐元年戶部侍郎王仁裕故王溥狀元及第溥不數年
拜相仁裕時爲太子少保有詩督白一戰文場拔趙旗
便携金鼎贊無爲白麻驟降恩何厚黃閣初開喜可知

詩話總龜卷之十四
跋勅案前人到少築沙堤上馬行遲押班長幸遙相見
親狎爭如未貴時溥和曰揮毫文戰偶奉旌待詔金華
亦偶爲白社遽當宗伯選赤心旋遇聖人知九霄得路
榮雖極三接承恩出每遲職在公司多少暇親師不及
舞雲時廣卓異記

魯直使余對白曰呵鏡雲遮月對曰帝粧露著花魯直罪
余於詩深刻見骨不務含蓄余竟不曉此論當有知者
同前

增修詩話總龜卷之十四

留題門上

呂申公累乞致仕仁宗不允他日復叩便坐度其不可留
因詢曰卿去誰可代者申公曰知臣莫如主陛下自擇
堅固之乃引陳文惠曰陛下必欲得英俊經綸之臣則
臣所不知若圖任老臣鎮安百度周知天下事無如陳
堯佐仁宗然之文惠遂大拜極懷薦引之德因作燕詞
携酒過之申公使之歌焉詞云二社良辰千家庭院翻
翩又見新歸燕鳳凰果穩許為鄰瀟湘烟暝來何晚亂
入紅樓低飛綠岸畫梁時拂歌塵散為誰歸去為誰來
主人恩重朱簾捲申公笑曰自恨捲簾人已老文惠曰

莫愁調鼎事無功。老於廊廟而醞籍不減。昔任浙曹有
吳江詩曰。平波渺渺烟蒼蒼。菰蒲纒纒熟楊柳黃。扁舟繫
岸不忍去。秋風斜日鱸魚鄉。又碧瀾堂詩云。若溪清淺
雪溪斜。碧玉寒光照萬家。誰與月明終夜聽。洞庭漁笛
隔蘆花。古今詩話

徐州漢興歌風臺詩雖多。張安道詩最絕云。落魄劉郎作
帝歸。樽前一曲大風詞。才如信越猶蒞醢。安用思他猛
士為。青箱雜記

臨潼朝元閣詩雖多。唯陳文思二韻首出曰。高閣高閣迥
秋毫無隱情。浮雲忽一蔽。不見漁陽城。

張退傅空邵武時多遊僧舍。至則吟詩忘歸。題西庵寺曰。

西庵深入西山裡。弄得當年少客遊。密密石叢蟠小徑。
涓涓雲竇瀉寒流。松皆有節垂青蓋。僧盡無心也白頭。
欲刷粉碑書好字。調卑官穴不堪留。題寶蓋巖寺云。
身為冠冕流。心是雲泉客。每到雲泉中。便擬忘歸迹。况
此寶蓋巖。天造清涼宅。稅車官道邊。誰知顏言適。過建
寧縣洛陽村曰。金谷花時醉幾場。舊遊無日不思量。誰
知萬水千山裡。枉被人言過洛陽。並同前

張伯玉過姑蘇。熟見太白十詠。不及明月泉。因題一絕曰。
至今千古松猶伴。數峰雪不見纖塵。飛寒泉湛明月。

陳文惠至古寺作詩曰。殿古寒爐空。流塵暗金碧。獨坐偶
無人。又得真消息。春明退朝錄

顏謝曾公之後所居有泉石松竹創亭延客孟賓于留題
詩曰園林瀟灑聞來久欲往因循二十秋今日開襟吟
不盡碧山重叠水長流江南野錄

陳穎南昌人業進士題漢祖廟曰項羽英雄猶不懼可憐
容得辟陽侯得狂病而卒同前

長安慈恩寺浮屠前後題詩多矣唐文宗朝元微之曰樂

天到塔下見章八元所留詩悉令除去諸家牌惟留章

詩詩云十層突兀在虛空四下門開面面同却惟鳥飛

平地上自驚人語半天中回梯暗踏如穿洞絕頂初攀

似出籠落日鳳城佳氣合滿城香樹雨濛濛鑑戒錄

陶雍與雅州送客至情盡橋改為折柳橋題詩曰從來

只有情難盡何事名為情盡橋自此改名為折柳從他

離恨一條條

施肩吾題友人閒居詩曰花眼綻紅斟酒看樂心抽綠帶

烟鈿

夫差廟折姑蘇臺木枋成陳羽題詩曰姑蘇臺畔千年木

刻作夫差廟裡神幡蓋寂寞塵王滿不知蕭鼓樂何人

並同前

陳羽姑蘇臺詩云憶昔吳王爭霸日歌謠滿路上蘇臺三

千宮女看花處人盡臺空花自開

賀程詠君山詩曰曾遊方外見麻姑說道君山此本無云

是崑崙山頂石海風吹落洞庭湖鑑戒錄

劉象詠仙掌詩曰萬古亭亭倚碧霄不成擎亦不成招何
如掬取蓮池水洒向人間救旱苗同前

砌臺即今擦擦臺也王侯家作以為臨觀之戲唐張素詩
云寫望臨香閣登高下砌臺林間踏青去帝上意錢來
即知唐來有之太祖朝大王都尉家其子承裕幼時其
父戲補砌臺使談苑

楊文公罷慶州過饒州餘干縣登干越亭前瞰琵琶洲後
枕思禪寺天下絕境古今留題百餘篇張祐詩云扁舟
亭下駐烟波十五年游重此過洲紫露沙入瘦淺樹梢
藏竹鳥啼多層瀾漲水痕猶在石板題詩字已訛況是
高秋正圓月可堪聞唱異鄉歌劉長卿云天南愁望絕

亭下柳條新落日獨歸鳥孤舟何處入生涯投越嶠世
業陷胡塵草色迷征路鶯啼傍逐臣秦其悲白首楚渚
怨青蘋香香鍾陵暮悠悠鄙水春獨醒翻取笑直道不
容身得罪風霜苦全生天地仁青山數行淚滄海一窮
鱗流落機心盡空憐鷗鳥親談苑

江導詠史云秦築長城比鐵牢蕃戎不敢過臨洮雖然萬
里連雲際不及堯塔三尺高何光遠稱此詩卓絕千百
集中無以加詩史

桂州左右皆平地拔起數千百丈石如染黛陽朔縣尤
佳沈彬有詩云陶潛彭澤五株柳潘岳河陽一縣花兩
處爭如似以朔好碧蓮峰裏住人家觀此山水可知同前

淮陰廟題詩甚多惟錢諫議昆詩最佳築壇拜日恩雖厚
躡足封時慮已深隆準早知同烏喙將軍應有五湖心

青箱雜記

歙州問政山聶道士所居嘗有人陟險攀蘿至絕壁於岩
下嵌空處覓題詩一首雖苔蘚昏蝕而文尚可辨題云
黃台詞不知台何人也千尋練帶新安水萬仞花屏問
政山自少雲霞居物外不多塵土到人間壺懸仙島吞
舟罷枕淶星宮沉水閉寶籙篋垂金條帶絳囊條鎖玉
連環靜張棋勢鋪還打嘿考仙經補又刪床並葛鞋寒
兔伏庭橫棹凡老龍吟溪童乞火朝敲竹山鬼聽琴夜
撼櫪料暗碧潭思句曲松昏紫氣度深關龜成淺甲毛

猶綠鶴化幽翎頂更殷阮洞神仙分藥去蔡家兄弟寄
書選黃精苗倒眠青鹿紅杏枝低掛白鷗容易煮茶供
客用辛勤栽果與猿攀常尋靈穴通三島擬過流沙化
百蠻新隱漸開侵月窟舊林猶悅枕沙灘手疏俗禮慵
非傲肘護靈方臂不慳海上使頻青鳥點篋中藏大白
驢頑節枝健杖葛蒲節筭擲高簪玳瑁斑花氣薰心香
馥馥澗聲聆耳冷淅淅高墳自掩浮生骨短髻難窮不
死顏早晚重逢蕭塢客願隨芝蓋出塵寰台國初時任
屯田員外郎世有全篇

荆門軍玉泉山寒泉亭題者甚多有一篇最佳而忘其姓
名詩云朔風凜凜雪漫漫未是寒時分外寒六月火雲

天不雨請君來此倚闌干雲齋廣錄

張宗尹為長安令時鄭州陳相尹京兆宗尹嘗以事忤公

意公有別業在鄆杜間宗尹書一絕于壁云喬松翠竹

絕纖埃門對南山盡日開應是主人貪報國功成名遂

不歸來有人錄以告公覽而善之待之如初宗尹嘗有

詩云大書文字隄防老刺買田園准備閒倦游錄

臨潼縣靈泉觀唐清華宮也自唐迄今題詠不可紀小杜

五言長韻并三絕泊鄭愚津陽門詩外唯陳文惠張文

定及進士楊正倫詩最佳文定詩云當時不是不窮奢

民樂昇平少嘆嗟姚宋未亡妃子在塵埃那得到中華

文惠詩云百首新詩百意精不充妃子只充兵爭如一

句傷時事只為明皇恃太平正倫詩曰休罪明皇與貴

妃大都衰盛兩相隨惟憐一派溫泉水不逐人心冷暖

移又鄭文寶詩云只見開元無事久不知貞觀用功深

皆為知音所賞

鄜州東百里有水石相思河傳舍曰相思舖令狐楚詩曰

誰把相思號此河塞垣車馬往來多只應自古征人淚

灑向空州作碧波並同前

韓魏公自中書出相州於居第作狎鷗亭永叔以詩寄曰

豈止忘機鷗鳥信釣陶萬物本無心魏公喜曰余在中

書進退升黜未嘗置心於其間永叔可謂知我古今詩話

呂文靖詩曰賀家池上天花寺一一軒窓向水開不用閉

門防俗客愛開能有幾人來賀家池即賀監所賜之湖
詩後為風雨所損惜乎寺僧不留雜誌

唐人徐凝多吟絕句曾吟廬山瀑布詩云瀑布泉瀑布泉千丈
直雷奔入江無暫息今古長如白練飛一條界破青山
色題處州縉雲山鼎湖詩云苗帝旌旗去不回空遺片
石碧崔嵬有時風捲鼎湖浪點作青天雨點來後無題
者郡閣雅談

權審常侍著詩千首常題山院曰萬葉風聲利一山秋氣
寒曉霜浮碧瓦落日度朱欄吾交詩話

江南道士任右元能篆見人題岳州忠烈王廟詩一絕云
松竹蕭蕭野笛悲寂寥水雪對列旌旗前山月夜陰風起

神去神來人不知時人不會其意尋毀其碑元厚之篆
于石后愈無識者因此漫滅郡閣雅談

鄧仙客死葬麻姑山人謂尸解遊人題詩多矣有一少年

一絕不言姓名但云天嶠遊人詩曰鶴老芝田雞在籠
上清那與世塵同既言白日昇天去何事人間有殯宮

鄧名稍減雲漢友議

三鄉題不知誰氏題云余本家若耶溪東從良人西入函

關寓居新昌里第不幸良人已矣貌然無依東邁歷渭
川涉澧水背終南涉太華經魏略抵陝郊皆曩昔讎遊

之地命筆輒題終不能滌其懷抱翰墨非女子事故隱
其名而不書為詩曰昔逐良人西入關良人身沒妾空

還謝娘衛女不相待。為雨為雲過此山。和詩十一首。陸
正洞云。惆悵殘花怨暮春。孤鸞舞鑑倍傷神。清詞好箇
干人事。疑是文姬第二身。王祝云。女兒山前嵐氣低。佳
人留恨此中題。不知雲雨歸何處。空使王孫見即迷。劉
谷云。蘭蕙芬芳見玉姿。路傍花笑景遲遲。學羅山下無
窮意。併在三鄉惜別時。王條云。浣沙遊女出關東。舊跡
新詞一夢中。槐陌柳亭何限事。年年回首向東風。李昌
鄴云。紅粉蕭娘手自題。分明幽怨發雲間。不應更學文
君去。泣向殘花歸剡溪。王顧云。無姓無名越水濱。芳詞
空怨路旁人。莫教才子偏惆悵。宋玉東家是舊鄰。李繪
云。會稽王謝兩風流。王子沉淪謝女遊。歸思若隨文字

在路傍空為感千秋。張礪云。洛川依舊好風光。連帳無
因見女郎。雲雨散來音信斷。此生遺恨寄三鄉。高衢云。
南北千山與萬山。軒車誰不念鄉關。獨留芳翰悲前迹。
陌上恐傷桃李顏。章永云。來時歡笑去時哀。家國迢迢
向越臺。待寫百年幽思盡。故宮流水莫相催。賈馳五言
云。壁古字未滅。聲長響不絕。蕙管本如雲。松心應柰雪。
耿耿離幽谷。悠悠望甌越。杞婦哭夫時。城摧無此說。雲
溪友議

吳門女郎真娘死。葬虎丘山。時人比之蘇小小。行客題墓
多矣。舉子譚銖題云。虎丘山下塚累累。松柏蕭條盡可
悲。何事世人唯重色。真娘墓上獨留詩。

鄭仁表經滄浪峽憇於長亭亭吏持牌乞詩題曰分峽東
西路正長行人名利火焚湯路傍看箇滄浪峽真是將
閒攪攪忙據言

蜀道有飛泉亭留詩甚多薛能佐李公過蜀道題云曹掾
曾經去題詩豈易哉悉打去詩板獨留李端巫山高一
篇同前

元祐五年同景文義伯聖徒次元題竹上云結根豈殊衆
脩柯獨出林孤高不可恃歲晚風霜侵百斛明珠

余初謫嶺南過田氏小園東門一峰豐下銳上俚人謂之
鷄籠山余更名曰獨秀峰今過之留詩云倚天巉絕玉
浮圖肯與彭郎作小姑獨秀江南如有意要三三列四

方壺玉局文

慈恩寺塔有唐人盧宗回一詩云東來曉日上翔鸞西轉
蒼龍拂露盤渭水冷光搖蕩并玉峰晴氣厭蘭干九重
金望長安古今詩話

江州琵琶亭題者惟夏鄭公梅公儀詩佳夏詩曰年光過
眼如車轂職事羈人似馬嚼若遇琵琶應上笑何煩淚
淚滿青衫梅詩云陶令歸來為逸賦樂天夏官起悲歌
有絃應被無絃笑何況臨絃泣最多又葉氏女即詩云
樂天當日最多情淚滴青衫酒重傾明月半船無處問
更聞商婦琵琶聲古今詩話

河中鸛鵲樓唐人極多唯王文與李益暢詩最佳王云白

日依山盡。黃河入海流。欲窮千里目。更上一層樓。李云
鶴鵲樓前百尺墻。烟汀雲樹共茫茫。漢家蕭鼓沉流水。
魏國山河半夕陽。事去千年猶恨短。愁來一日即知長。
風烟併在相思處。滿目非春亦自傷。暢詩云天勢圍平
野。河流入斷山。同前

李建中恬進作詩清淡。望湖樓詩云。小艇閒撐處。湖天景

亦微。春波無限。綠白鳥自由。飛落日孤鴻。遠輕烟古寺。

稀時。携一壺酒。戀到晚涼歸。西湖詩云。漲烟春氣重。貯

月夜痕深。皆此類。古今詩話青雜記謂望湖樓詩是蘇為在湖州作

潘邠老有登漢陽江樓詩云。兩夜上層樓。一目略千里。說

者以為著處豈可登樓直方詩話

陸龜寓居潭州攸縣司空山好神仙事多辟穀累月題廬

山瀑布云。正源人莫測。千尺掛雲端。岳色染不得。神功

裁亦難。夏噴猿鳥浴。秋射斗牛寒。流到滄溟日。翻濤更

好看。又春暮經石頭城云。六朝多少事。拊肘思悠悠。落

日空江上。子規啼渡頭。蒹葭侵壞壘。烟霧接滄洲。今古

分明在那堪。向九秋。雍熙中服藥卒。雅言雜載

李宏。臯唐末八座善夷之子。善夷左遷武陵。卒於官。宏

臯擢櫬歸故園。途中值兵革。為馬氏擁入湖湘。文昭王

有功授學士。至刑部侍郎。每歲奏至京。辭臣降歎。李崧

相國器之後。馬氏兄弟結隙。與弟宏節俱棄市。少攻詩

題桃源云。山翠參差水渺茫。秦人昔在楚封疆。當時避

世乾坤窄此地安家日月長草色幾經壇杏老岩花猶
帶澗桃香他年倘遂平生志來着霞衣侍玉皇

任鵲字射已富有學問題君山云不得揚帆路盤根壓洞
庭波濤四面白雲外一堆青魚躍晴波動龍歸石洞腥
纔期託名書為我簇為旂送王正已歸山云五峰青挂
天直下掛飛泉琴鶴同歸去烟霞到處眠鼯跳霜葉徑
虎嘯夕陽川獨酌應懷我排空樹影連並同前

韓常侍為郎吏日宣宗問曰卿有好詩如何得見韓稽首
曰容至私第錄進乃選八十首進後以眼疾辭拜耳貂
為御史銜命出關讞獄道中看華山有詩曰野糜蒙象
暫如犀心不驚鷗角駭雞一路好山無伴看斷腸烟景

寄猿啼御史出使不得與
人同行故云無伴時補衣謝病歸山更寄織錦
篇與薛郎中云錦字龍梭織錦篇鳳凰文采間非烟並
他時世新花樣虛費工夫不直錢和入憶鶴云拂拂雲
衣冠紫烟已為丁令一千九百年留君且伴居山客幸有松
梢明月天又知憶山泉云情多不似家山水夜夜聲聲
旁枕流古今詩話

少游在黃州飲於上海橋南北多海棠有老書生家海棠
叢間少游醉卧於此明日題其柱曰喚起一聲人惜
衾枕夢寒窓曉燈雨過海棠晴春色又添多少社鷓鴣
成微笑半破共酒浮瓢共自覺健到急投床醉鄉廣大入
問小東坡愛之似此不得其腔冷齋夜話

增修詩話總龜卷之十五

增修詩話總龜卷之十六

留題明下

松江新作長橋制度宏麗前世所未有蘇子美長橋對月云雲頭焰焰開金餅水面沉沉卧彩虹時謂此橋非此句雄偉不能稱也子美足舜元字才翁詩律道勁而獨罕傳與子美紫閣等聯句無愧韓孟恨不盡見之

李古少貧賤一舉成名不二十年自副樞密除本州刺史有登祝融峰云欲上祝融峰先登古石橋鑿開巖嶮處取路到丹青南唐近事

陳誼吉州人題螺江廟云廟裏杉松蕭颯風廟前江水碧溶溶凭闌不見當時事落日遠山千萬重太平興國中

詩話續編卷之十一
史館學士張齊賢出為本道轉運使至其廟覽留題詩
牌甚多俱打去獨留誼詩方知名郡閣雅談

鄧中寺壁有鄭文寶詩親筆寒食訪僧舍云客舍愁經百
五春雨餘溪寺綠無塵金花何處鞦韆鼓粉頰誰家闢
草人水上碧桃流片段梁間歸燕語逡巡高僧不飲客
携酒來勸先朝放逐臣古今詩話

章碣題焚書坑云竹帛烟銷帝業虛昔年曾是祖龍居坑
灰未冷江東亂劉項元來不讀書

舒州三祖山因芟蘿蔓峭壁間得詩乃杜牧之金陵懷
古云玉樹歌殘王氣終景陽鍾動曉樓空楸梧遠近千
家樹禾黍高低六代宮石燕拂雲晴亦雨江豚吹浪夜

還風英華一代豪華盡惟有江聲似洛中

范文正謫睦州過嚴陵釣臺作詩曰漢包六合網英豪一
箇冥鴻惜羽毛世祖功臣三十六雲臺爭似釣臺高

繁知一聞樂天將過巫山先於神女祠粉壁大書曰蘇州
太守真才子行到巫山必有詩為報高唐神女道速排

雲雨待清詞白公見詩邀知一曰劉禹得禮曰帝欲留
一詩於此怯而不敢罷郡經過悉去詩千餘首只留四

篇沈佺期曰巫山高不極合沓狀奇新聞谷疑風雨幽
崖若鬼神月明三峽曉潮落九江春為問陽臺客應知
入夢人王無兢曰神女向高堂巫山下夕陽徘徊作行
雨婉孌逐荆王電影江前落雷聲峽外長霽雲無處所

臺館峙蒼蒼李端曰巫山十二峰皆在碧虛中迴合雲
藏日霏微雨帶風獵聲寒渡水樹色遠連空愁向高唐
去千秋見楚宮皇甫冉曰巫峽見巴東迢迢出半空雲
藏神女館雨到楚王宮朝暮泉聲落寒暄樹色同清獵
不可聽偏在九秋中

金陵賞心亭丁晉公建也秦淮絕致公以家藏袁安卧雪
圖張於其屏乃唐周昉筆經十四守無敢覬覦者後爲
太守竊去以几筆畫蘆鴈易之王密學琪來作守登臨
賦詩曰千里秦淮在玉壺江山清麗壯吳都昔人已化
遼天鶴舊畫難尋卧雪圖冉冉流年去京國蕭蕭華髮
老江湖殘蟬不會登臨意又噪西風入座隅此詩乃竊

竊畫者蕭弁也同前

蘇州崑山縣惠聚寺殿基乃鬼神一夕砌成殿中有僧繇
畫龍每因風雨夜騰起波濤傷田害稼鄉人患之僧繇
再畫一鎖鎖之仍畫一釘釘其鎖至今人捫其釘頭尚
隱隱唐乾寧初吳都崔融善五言題惠聚寺人莫嫌山
小僧還愛寺靈殿高神氣力龍活客丹青同前

丁晉公舊有園在保康門外園內有仙遊亭仙遊洞與道
士劉道往來道作仙遊亭詩贈公云屢在仙遊亭上醉
仙遊洞裏香無人他時鳴鶴歸滄海同看蓬萊島上春
公莫曉其詩後公南遷道往見公於崖方思其詩知爲
異人也古今詩話

洪州西山與滕王閣相對過客多留詩有僧覽之告郡守

曰詩無佳者何不去之守愕然曰能作佳句乎因為詩

曰洪州太白方積翠倚穹蒼幾夜碍新月半江無夕陽

雅言雜載古今詩話此陳文亮詩亮因天下既定作詩云草鋪春

真州即揚州之揚子縣古白沙鎮也祥符中丁晉公鉉聖

祖天尊像遂為真州有儀真觀西一水縈迴南入大江

號曰胥浦一日三潮俗云子胥解劍渡江之所觀之記

載使者以像在舟日方午潮水忽至今有午潮張芸叟

有詩云聞說仙鄉接瀨鄉閑遊詩侶禮虛皇三潮寶派

通前浦萬葉靈杉蔽蜀堂天地杳冥供像江山迴合

助靈祥五雲送入蓬萊島留與人間作道場

金陵昇元寺即瓦棺寺也在城西隅前瞰江面後踞崇崗

最為古跡累經兵火略無彷彿李氏時昇元閣猶在乃

梁時故物高二百四十尺太白所謂日月隱簷楹也

瓜州渡揚子橋介於江淮之衝南之瀟湘北走秦壠咸此

取道古詩云揚子江頭楊柳春楊花愁殺渡江人數聲

羌笛離亭晚君向瀟湘我向秦

元稹相廡問東浙七年因題東武亭曰役役閑人事紛紛

碎簿書功夫兩衙留滯七年余病痛梅天發親情海岸

疎因循歸未得不是鱸魚盧簡夫侍御曰丞相不應

鱸魚為好鑑湖春色春色謂劉采春並同前

陳希夷題西峰云為愛西峰好吟頭盡日昂巖花紅作陣

溪水綠成行。幾夜碍新月。半江無夕陽。寄言嘉遯客。此處是仙鄉。翰府名談

陳希夷題華山云。半夜天香入巖谷。西風吹落嶺頭蓮。空愛掌痕侵碧漢。無人曾歎巨靈仙。同前

王仲儀鎮真定。惠愛在人罷。日攀轅。卧轍不得去。題村寺曰。寬猛一年無枉理。公私兼濟不欺心。如今受代朝天去。遮路人人淚滿襟。同前

裴晉公赴敵淮西。題名於華嶽之闕門。大順中。戶部侍郎司空圖以一絕之云。岳前大隊赴淮西。從此中原息戰。鼙石闕莫教蒼蘚上。分明認取晉公題。古今詩話

開元初。鄭瑤經慈恩寺。題云。岸與恩同廣。波將慈共深。涓涓勞日夜。長似下流心。南部新書

郴州城東有山高秀。神仙蘇耽脩真之所。唐封為蘇仙山。觀有泉名曰插泉。元結詩曰。靈槁無根井。有泉世間如。夢又千年鄉。際不見重歸鶴。姓字今為第。幾仙風。冷露壇人悄悄。地開荒徑草綿綿。如何躡得蘇君跡。白日霓旌擁上天。沈彬詩曰。眼穿林罅見郴州。井里相逢側局揪。味道不來閑處坐。勞生更欲幾時休。蘇仙宅。古烟霞老義帝墳。荒艸不愁千古是。非無處問夕陽西去水。東流。接遺

鄭毅夫題吳江長橋云。挿天螭螭玉腰闊。跨海鯨鯢金背高。青瑣集

詩話續編卷之十一
祝融留題甚多謝元云雲濕幽岩滑風梳古木香僧栖岩
云閑雲四邊盡浮世一齊低

羅隱留金山云老僧齋罷關門睡不啻波濤四面生孫山
云結宇孤峰上安禪巨浪間亦可亞張祐詩

潤州甘露寺有三賢亭乃劉備孫權曹操微時嘗會此羅
隱詩云漢鼎未分聊把手楚醪雖美肯同心過者心服

焉同前

衡州來陽有杜甫祠過客題詩多矣歐陽文忠公獨稱徐
介之詩云來接汨羅水天心知所存故教工部死來伴
大夫魂流落同千古風騷共一源消凝傷往事斜日隱
顏垣

黎邑扶溝有白鶴觀向才翁子美壁間留題二絕周元郎
中知是吾愛之作詩紀其美公卿知者韓偓詩最佳詩
云二蘇遺迹厓仙局賢宰重來為發明字久半隨風雨
駁氣豪猶入鬼神驚直疑鸞鳳塞雲去不假江山到地
清人對盛時須自勉酒豪顛州尚垂名

三閩大夫屈平字靈均沉沙之處汨羅江在岳州境內正
廟以漁父配享唐末有洪州衙前軍將忘其姓名題一
絕云蒼藤古木幾經春舊祀祠堂小水濱行客謾陳三
酌酒大夫元是獨醒人自後能詩者不敢措手

唐東京政平坊安國觀明皇朝玉真公主所建女冠多上
陽退宮媿盧尚書有詩云夕照紗窓起暗塵青松遶殿

言言然會卷之十一
不知春請看白髮誦經者半是官中歌舞人劇談錄

唐相段文昌家江陵少以貧窶脩進常患口食不給每聽

曾口寺鍾輒詣謁食為寺僧所厭自此乃齋後扣鍾冀

其晚留而不逮食後入登台座出連大鎮拜荆南節度

使詩題曾口寺云曾遇闍黎飯後鍾蓋為此此夢瑣言古今詩話

載此詩是唐相王播題揚州佛寺有全篇云上堂已各西東慚愧闍黎飯後鍾三十年前塵土面而今始得

碧紗籠今言段文昌乃江陵人所傳誤

懷素其在郡東五里橫隴之上唐開元中有僧懷素居是

臺學者因謂之懷素臺今有墨池筆塚存焉裴說有題

懷素其歌云我呼古人名鬼神側耳聽杜甫李白與懷

素文星酒星艸書星永州東郭有奇怪筆塚墨池遺迹

在筆塚低低高似山墨池淺淺深如海我來恨不已爭

得青天化為一張紙高聲喚起懷素書擗管研朱點

湘水欲歸家重歎嗟眼前有三箇字枯樹槎烏梢蛇墨

老鴟零陵總記

白沙驛在永州一百二十里祁陽縣下臨湘水西岸門外

有亭以形勝盡在此也開寶初左補闕劉能奉詔之九

疑維舟於此留詩云窗外秋聲湘瑟怨檻前竹色楚帆

飛又云懶向九疑岐路望渡頭雲雨正霏霏

法華寺在永州東南一里高阜之上城郭崗巒交相掩映

唐咸通中有陀頭蔣氏愛其地乃拖鉗行丐獲金帛鉅

萬以創萬焉名士無不留詠沈彬云地隈一水巡城轉

天約群山附郭來。又孟賓于廬地人家。凭檻見遠山秋色。捲簾看可謂盡其狀。

朝陽岩在永州城西南一里餘。元結所名也。以其東向日

先照故名。杜陵有歌云。朝陽岩下消水深。朝陽洞中寒

泉清。零陵城郭夾消岸。岩洞幽奇當郡城。荒蕪自古人

不見。零陵徒有先賢傳。水石為娛安可忘。長歌一曲留

相勸。又有牛叢詩云。礪石攀蘿路不迷。曉天風好浪花

低。洞名獨占朝陽號。應有梧桐待鳳栖。

消水在永州西三十步。自道州營道縣九疑山中。亦名營

水。湘水在永州北十里。出自桂林海陽山中。經靈渠北

流至零陵北。與消水合。二水皆清。此一色。高秋八九月

雖文餘可以見底。自零陵合流。謂之瀟湘。經衡陽抵長

沙入洞庭。秦韜玉有詩云。女媧羅裙長百尺。搭在湘江

作山色。又云。嵐光楚岫和空碧。秋氣湘江到底清。沈彬

湘江行云。數家魚網疎雲外。一岸殘陽細雨中。僧齊已

瀟湘詩云。二水遠難論。從離到坎奔。冷穿千嶂陌。清過

幾州門。又云。月來無夜底。雲度見秋痕。何消有詩云。鴈

影數行秋半。逢漁歌一聲。夜深發。皆曲盡其妙。

沿溪在永州北百餘里。流入湘江。溪水石奇絕。唐上元中

總管經畧使元結罷任。居焉。以所著中興頌刻之崖石。

顏真卿書。結復為浯臺石堂西峰四厭亭。銘皆刻于石。

崖上皇朝乾德中。左補闕王仲知來州。維舟於此。留詩

言言錄卷之二十一
云湘川佳致有涪溪元結雄文向此題想得後人難以
繼高名長與白雲齊

淡塘在永州北三十里其水有九十九源昔有居人文潭
好農務穀乃築塘以灌田百姓利之立碑紀其功霸國
時碑猶在塘中長興初黃損為永州團練副使來為別
業有詩曰傍水野禽通體白釘盤山果半邊紅損去為
居民劉氏所有並同前

鴛羊山在長沙縣北二十里本名東華山亦謂之石寶山
上有仙壇丹竈湘中別記云昔郡人成君平年十五兄
使牧鴛羊忽遇一仙翁相將入此山兄後尋至山中見
君平因問所牧鴛羊何在弟拍白石曰此是也遂驅起

令隨兄去旬日却還山下復化為石今猶存焉因名此
山為鴛羊山畢田詩云羽客何年此鍊丹尚留空竈鎮
孱顏雲中雞犬仙應遠山下鴛羊石轉頑湘渚幾因滄
海變遼城無復令威還何年仙馭還來此盡遣飛騰上
九關幽閑鼓吹

醉鄉湘中別記云後漢時有人在此鄉忽經醉經三晝夜
始醒猶有酒氣言與天神共飲乃示後任陽羨令每言
歲之豐儉無不驗俄亦仙去畢田詩云三宿酣神耐鄉
名因此呼山中千日者自合是仙都同前

水簾朱陵洞口有泉自洞而去巨石橫峻壁立千仞一派
飛下如紋簾之狀畢田詩云洞門千尺掛飛流玉碎珠

聯冷噴秋今古不知誰捲得綠蘿為帶月為鉤湘中故事

凝碧在南岳石橋上畢田詩云四面山屏疊萬重古嵐濃

翠鎖寒空清秋獨倚危闌立身在琉璃世界中

擲鉢峯湘中山水記云昔惠思禪師居般若其臺嘗擲鉢泉

之赴陳帝召畢田詩云應將鉢渡闡神通擲去乘將赴

帝宮爭似嶺頭提不起于今相續闡真風

石霜山寺南在溜陽縣南八十里有崇勝禪寺昔普會禪

師居衆千餘名其堂曰枯木蓋取其晏寂也廉使丞相

裴公嘗親往大旆詣之蓋留玉環象笏在此迄今存焉

畢田詩云石上泉華噴猛霜境竒因此闡禪坊使君環

笏留何用枯木千餘滿一堂

大哀州在湘陰縣西三十里圖經云昔舜南狩二妃尋之

至此而聞舜葬於九疑博物志云舜崩於蒼梧二女以

涕揮竹竹盡成斑畢田詩云玉輦南巡去不還翠娥望

斷楚雲間波寒刺寫哀絃怨露冷偏滋泪篠斑一水盈

盈傷遠目九峰巉巉慘愁顏荒洲千古淒涼地半掩空

祠向暮山

神鼎山在湘陰縣東北絕頂有丹井於此獲藥鼎及巨人

跡云神仙所履之跡因此名為神鼎故畢田詩云玉趾

分明印絕巔藥成仙去幾千年深藏寶鼎今方出合得

丹經與世傳

香水湖中別記云在縣郭西湖水甚香昔合餘水即變昔

年嘗貞此水民多困弊至齊末以來因廢罷以板覆之
上起塔今猶存湘鄉本謂之湘香蓋由此而名列子曰
壺頂有口名曰滋穴其水涌出名曰神瀆莫過椒蘭味
過醪醴畢田詩云坎上浮圖已拂天椒蘭餘馥尚依然
九重無復脩常貢空有香名與邑傳並同前

鄧峰水庵王南禪師法子魯直恨不識有自慶者事亦甚
久即以慶主黃龍叢林於慶改觀及與語多解體山谷
過水庵題曰奪得胡兒馬便休休嗟李廣不封侯當時
射殺南山虎仔細看來走石頭冷齋夜話

東坡愛西湖詩曰若把西湖比西子淡粧濃抹也相宜余
宿孤山下讀林和靖詩句句皆西湖寫生時天姿自然
不施鉛華再作詩書壁曰長愛東坡眼不枯解將西子
比西湖先生詩妙真如畫為作春寒小谷圖

前輩訪人不遇不書壁東坡作行說不肯書牌惡其特地
只書壁耳候人未至則掃墨竹荆公訪一高士不遇題
曰牆角數枝梅凌寒獨自開遙知不是雪為有暗香來
潘大臨工詩城谷九喜之謝無逸以書問有新作否荅曰
秋來景物佳佳句恨為俗氣所蔽昨日滿林風雨
起題壁曰滿城風雨近重陽忽催租人至遂敗意止此
一句奉寄聞者笑其迂闊

增修詩話總龜卷之十七

紀實門

仁宗正月十四日御樓遣中使傳宣從官曰朕非好遊觀
 與民同樂翌日祭君設獻詩云高列千峰寶炬森端門
 方喜翠華臨宸遊不為三元夕樂事還同萬衆心天上
 清光留此夜人間和氣閣春陰要知盡慶華封祝四十
 餘年惠愛深東齋錄

李參少有吏材 仁宗奇之殿柱題其名有繁劇人所避
 者必用參自將作監簿擢至右丞樞密直學士元豐中
 卒李師中以詩弔之曰當年殿柱題名處 詩史
 嶺南謂村市為墟柳子厚詩云青箬裹盤歸洞客綠荷包

飯趣墟人青箱雜記

夏文莊謫守黃州時龐穎公為郡掾文莊識之優待穎公
有病意謂不起文莊親視之曰異日當為貧宰相亦有
年壽疾非所愛穎公曰宰相豈得貧耶文莊曰一等人
中貧尔故穎公作退老詩曰田園貧宰相圖史富書生
張侍郎師錫年八十有喜子登第詩曰御榜今朝至見名
心始安尔能俱中第吾遂可休官賀客留連飲家書友
覆看世科雖不繼得慰二親難張氏常有中甲科者故
有世科之語

張退傳文懿士遜趙少保叔平繁張樞相昇皆壽八十六
陳丞相文惠堯佐壽八十二杜丞相正獻衍壽八十一

富丞相文忠弼壽八十文惠致政退傳詩曰青雲岐路
遊將遍白髮光陰得最多

天聖中李康靖公若谷慶曆公邯鄲公叔皆知滑州后八
年審言又知前此邯鄲公迎康靖公到滑康靖題詩於
州解曰滑守如今是世官阿戎出守自金鑾郡人莫訝
留題別孫息期同住此看後審言刊石紀其事同前
元豐初王仲效王建作宮詞百首獻之頗有意思詩云太

皇生日最尊榮獻壽宮中未五更天子捧觴仍再拜寶
慈侍立到天明寶慈皇太后宮名太后幸景靈宮駕前
露面雙童女詩曰平明綵仗幸靈宮紫府仙童下九重
整頓瓏璁時住馬畫五閣地貌真容古今詩話

張九齡在相有寒謬匪躬之誠明皇怠於政事李材甫陰中傷之方秋明皇令高力士持白羽扇賜馬九齡作歸燕詩貽林甫曰海燕雖微眇乘春亦暫來豈知泥滓濺只見玉堂開捷戶時雙入華堂日幾迴無心與物競鷹隼莫相猜林甫知其必退恚怒稍解明皇雜錄

段文昌廣都縣人父以賣油為業生而多智長亦有文章跨驢行鄉里笑之三十年間衣錦歸蜀蜀人贈詩曰昔日騎驢學忍飢今朝忍看錦衣歸等閒畫虎驅紅旆可畏登龍入紫微富貴不由公祖解文章生得羽毛飛廣鄉再去應惆悵猶有江邊舊釣磯鑑戒錄

羅史君向廬州人不事產業以至困窮常接福泉寺隨僧

飯而已其學未嘗廢二十年間持節歸鄉里及境至僧房書壁曰二十年前此布衣鹿鳴西上虎符歸行時賓從過前事到處松杉長舊園野老共遮官路拜沙鷗遙認隼旗飛春風一宿琉璃殿惟有泉聲愜素機同前雷州及海外瓊崖多香木夷民以為糟飼雞犬鄭文寶詩曰沉檀香植在天涯賤等荆衡水面槎何必為糟飼雞犬不如煨燼向豪家談苑

建州山水奇秀剡寺落落相望偽唐建安寺三百五十一建陽二百五十二浦城一百七十八崇安八十五松溪四十一關隸五十二僅千區杜牧江南絕句云南朝四百八十寺謂是也

劉經為虜政事舍人來奉使路中有野韭可食味絕佳作
詩云野韭長猶嫩沙泉淺更清並同前

張弘靖三世掌綸告秉鈞軸揚巨源詩云伊陟無聞祖韋
賢不到孫時稱其善與張家說家門巨源燕居吟咏年
老得疾頭數徯人言吟咏習成詩史

張鎬少有大志遊京師未始知名嗜酒鼓名人有邀之策
杖而往大醉即歸言不及世務楊國忠薦為右拾遺不
二年由諫議大夫擢中書侍郎平章事杜少陵云張公
一生江海客身長九尺鬚眉蒼白起端遇風雲會扶
顛始知籌策良正謂鎬

王元之出守黃州時蘇易簡榜下放孫何等二百五十

人奏曰禹偁禁林宿德累為遷客飄泊可令臣
令榜下諸生罷集綴馬送于郊奏可送過四短亭諸生
列拜于官橋元之口占一絕付狀元為我深謝於公其
詩云綴行相送我何榮老鶴乘軒槐谷鶯三入承明不
知舉看人門下放諸生時諸親友觀望不敢私近惟賈
元賈執手於閣門曰天乎天乎得非命歟公以詩謝其
略曰惟有南宮竇員外為余垂淚閣門前

文潞公居伊洛日年七十八同時中散大夫程朝議大天
司馬旦司封郎中致仕席汝言皆年七十八嘗為同甲
之會各賦詩潞公詩曰四人三百十二歲况是同生甲
午年占得梁園為賦客合成商嶺採芝仙清談麴豐

風生席素髮飄飄雪滿肩此會從來誠未有洛中應作
畫圖傳

荆公罷相知金陵有詩曰投老歸來一幅巾君恩猶許備
藩臣芙蓉堂下疏秋水聊與龜魚作主人再罷相以會
靈觀使居鍾山又作詩曰乞得膠膠擾擾身江湖波浪
替埃塵只同鳧雁為閑侶不與龜魚作主人

荆公初拜相以未謝坐閣門不見客一二門生侍坐但見
顰蹙不言徐題詩於窓曰霜筠雪竹鍾山寺投老歸歟
寄此生放筆而起人莫測其意

國朝內相服金帶朱衣一名前引兩府則金毬文帶佩魚
朱衣二入謂之重金望兩制人者則曰眼前何日赤腰

下幾時黃望兩府久者則曰眼赤何時兩腰黃甚則重
熙寧中高麗使人至京師求王平甫詩有旨令京尹元厚
之抄錄以賜厚之自請平甫求新著平甫以詩戲之曰
誰使詩仙來鳳沼欲傳肯綮過雞林

福唐有老嫗當壚有舉子謂嫗曰吾能與爾致數千乃
令嫗作酒帘題曰下臨廣陌三條闊斜倚危樓百尺高
太守王祠部遠見之大喜呼嫗與錢五千酒一斛蓋詩
乃王公詠酒旗詩平生最得意者

大社二祭多差近臣王禹玉在兩禁二十五年熙寧間為翰
林學士復被差題詩於齊宮曰鄰雞不動曉驂催又向
靈壇飲福盃自笑治聾知不足明年強健更重來

關右人或作京師語音俗謂之獠語士大夫亦然有太常
博士楊獻民河東人時鄴州脩城差望青砍木作詩寄
僚友曰縣官伐木入烟蘿匠石須材盡日磨蓋以鄉音
呼忙為磨也士人而徇俗不與可笑

魏仲先贈萊公詩曰有官居鼎鼐無宅起樓臺真宗即位
北使至錫宴惟兩府預焉北使歷視坐中間譯者曰孰
是無宅起樓臺相公丁晉公令譯者曰南方須大臣鎮
撫寇公撫南夏非久即還古今詩話

元微之自命稽拜尚書左丞到京未逾月出武昌詩贈夫
人裴氏曰窮冬到鄉國正歲別京華自恨風塵眼看他
遠地花碧慵還照耀紅粉莫咨嗟嫁得浮雲婿相隨即

是家夫人答曰使門初擁節御苑柳絲新不是悲殊命
惟愁別近親黃鸝啼古木朱履從清塵想到千山外滄

江正暮春

正元中李摯以宏詞振名與李行敏同姓同年登第又同
歲及同門摯答行敏詩曰因緣三紀異契分四般同
武宗怒一宮嬪謂柳公權曰得學士一詩當釋之遂進詩
曰不忿前時悞主恩已甘寂寞守長門今朝却得君王
顧重入椒房拭淚痕

柳公權從事未央宮文宗謂曰有一喜事邊上賜衣久不
時今年二月已給公可賀我以詩公權進詩曰去歲雖
無戰今年未得歸皇恩何以報春日得春衣

韓績僕射請韓熙載為父撰神道碑。珎貨外仍輟一姬為潤筆。韓受姬及文成，但叙譜系品秩及薨葬哀贈之典而已。績以嫌之，乃封還意。其改竄熙載亟以歌姬并珎贈還之。姬登車書一絕於泥金雙帶云：風柳搖搖無定投，陽臺雲雨夢中歸。他年蓬島音塵斷，留取尊前舊舞衣。同前。

雄州安撫都監稱宣事云：虜中好樂，天詩聞虜有詩云：樂天詩集是吾師。

白樂天一舉登第作詩曰：慈恩塔下題名處，十九人中取少年。時年二十七。

大和二年崔郾侍郎東都放榜，西都過堂杜紫微第五人。

第作詩曰：東都放榜未花開，三十三人走馬迴秦地。少年多釀酒，却將春色入關來。

寶曆中楊嗣復相具慶，下繼放甲榜時無僕射。自東洛入朝，嗣復率生徒迎于潼關，宴于新昌里。第元白在焉，皆

席賦詩。楊汝士詩後成元白覽之失色，詩曰：隔座應公賜御屏，盡將仙翰入高冥。文章舊價留鸞掖，桃李新

陰在鯉庭。再歲生徒陳賀宴，一時良史舊傳馨。當時疏傳雖云盛，記有茲筵醉醪汝。士是日大醉歸，謂諸子曰：今日壓倒元白。

何扶大和元年登第，明年再捷，以一篇寄同年曰：金榜題

名墨尚新，今年依舊去年春。花開每被紅粧問，何事重

詩話續編卷之十七
來只一人並同前

紫閣山老僧文聰說晏相來遊山獼猴萬數遍滿山谷僧言未嘗如此之多晏詩尋添獼猴之句雅志

王沂公與李文定公連榜取殿魁又相繼秉鈞軸文定鎮并門公均勞逸本鄉作詩寄之略曰錦標得雋會相繼金鼎調元亦荐更并士兒童公再見會稽幢紱我先榮或曰如此名實何由企及續歸田錄

潘閻在舒州瀟山寺為行者題詩鍾樓云遠寺千千萬萬峰忘第二句頑童趁暖貪春睡忘却登樓打曉鐘係僅為郡官見詩曰此潘道遙也告寺僧呼行者潘已亡去貢父詩話

越州鰻井在應天寺井在一盤石上高數丈井纔方數寸乃一石竅也深不可知徐浩詩云深泉鰻井開即此也其來亦遠鰻時出遊人取之置衣袖間了無驚猜如鰻而有鱗耳其大尾有牙跡相傳黃巢曾以劍砍之凡鰻出必有水旱疫癘之疾鄉人以此候之

學士院有雙鵲嘗栖於西軒海棠枝上每學士會食必徘徊翔集於玉堂之上略無驚畏因謂之靈鵲時或鳴噪必有大詔令或宣召之事故晁公見和詩云却聞靈鵲心應喜并予宿直詩云靈鵲先依玉樹栖二詩出樞庭集金坡遺事

昂州甘泉寺介官道之側泉甚佳便於漱酌行客無不留

詩話總龜卷之十七
者寇萊公南遷題東檻曰平仲經此望北闕黯然而行
未幾丁晉公又過題西檻曰謂之酌泉禮佛而去後范
諷補之安撫湖北題詩曰平仲酌泉方北望謂之禮佛
向南行烟嵐翠鎖門前路轉使高人厭寵榮古今詩話
退傳張登晚春乘安輿出南薰門繚繞都城遊金明池抵
宿指宜春門入關吏捧牌請官位書云閒遊靈沼送春
回關吏何須苦見猜八十老翁無品秩三曾身到鳳池
來同前

增修詩話總龜卷之十七

乙集終

